

2.
A
1



20
a
I

Ex Bibliotheca
majori Coll. Rom.
Societ. Jesu

1802
20
2
1

4
534

RELIQUIÆ POETICÆ
R. P. VITALIS THERONI,
Soc. IESV Presbyteri,

AD
EMINENTISSIMVM CARDINALEM
MAZARINVM,
BERNARDVS THERONVS,
SENATOR TOLOSANVS,
· Authoris ex Fratre Nepos

DISPERSAS COLLEGIT, ET
*prælo datas communi Literarum
bono publicavit.*

H
514



TOLOSÆ,
Excudebat I. BOVDE, Regis, & Comitiorum Linguz
Occitanæ Typographus.

M. DC. XLV.,

THE NEW YORK PUBLIC LIBRARY

ASTOR LENOX TILDEN FOUNDATION

1009 FIFTH AVENUE, NEW YORK, N. Y.



EMINENTISSIMO

CARDINALI



MAZARINO.

RELIQUIAS Poëticas R. P.
Vitalis Theropi, Societ. IESV
Presbyteri, Patru mei, veteres
quidem illas, & laceras; sed spirantes adhuc
tamen, & nativâ suâ venustate non omni-
no destitutas, offero tibi, CARDINALIS
EMINENTISSIME, vt quâ fruuntur
vitam, & quam habituræ sunt aliquando
nominis existimationem, si per Te sperare
possunt aliquam, acceptam referant indul-
gentiæ tuæ, qui ad certam perniciem desti-



natas à patre, servasti, & commendatione
tuâ salvis esse vitalibúsq; tribuisti : Et
ille quidem, parēs Operis & author, decre-
verat omnino abijcere prolem istam in-
genij suam, &, quod Imperatores Ro-
mani per Leges nostras Patribus fas esse
voluerunt, ut liberos, etiam sanguino-
lentos, pro patria potestate distraherent,
ipse quoque abdicare sobolem istam, &
quod sævitia majoris erat, aut in vinculis
habere semper apud se, aut ignominiâ no-
tare ; nisi Tu, **CARDINALIS EMI-
NENTISSIME** authoritate tuâ, & quasi
quodam præjudicatæ approbationis inter-
dicto vetuisses. Nam simul atque relatio-
ne Virorū illustrium intellexi, postremum
ejus carmen de Baptismo **REGIS
CHRISTIANISSIMI**, Te Susceptore
celebrato nuper editum, & inscriptum No-
mini tuo, placuisse tibi : statim cogitavi
de

de colligēdis istis Reliquiis, & quod super-
erat, distractos speciosi cadaveris artus in
unum corpus redigere. Verum ut existi-
mavi in neminis alterius clientelam venire
iustius posse, quā tuam, qui vitam eis li-
bertatēque tribuisti, ita nunc eas, si per
Te licet, **CARDINALIS EMINEN-**
TISSIME, in sinū bonitatis tuæ repono,
ut unde salutem habuerunt, ibi foveantur
amœnius, & universa hæc, qualis qualis est
Poëticæ facultatis familia, veniat in tuam
potestatem, liberique ab interitu vindica-
ti, laudationi tuæ, quasi nexu mancipiōque
vincti pro sua tenuitate deserviant. Quod
fanè præstabunt, vt debent, officiosè, & se
totos, industriāque suam omnem, Tibi
pro veteri clientelarum instituto, laudū-
que tuarum commendationi contribuent.
Laudabunt alij (quos ætas hæc habet ele-
gantes scribendi, dicendique Magistros)

Oratores, Historici, Poëtæ, gloriam nominis tui , virtutis constantiam , magnitudinem animi, mentisque sagacitatem quibus, quasi gradibus ad fastigium existimationis tantum ascendisti , ut **LVDOVICVS XIII.** gloriosissimæ memoriæ Iustus idem & æquissimus meritorum æstimator, dignum censuerit, quem supra cæteros Sapientes (quibus, & multis, & clarissimis utebatur) Filio suo, non lustralem modo Parentem, sed prope Custodem Regiæ Majestatis tutelare, Regni que totius Curatorem & Principem Ministrum suprema voluntate designaret. Laudabunt magnificentissima , quæ ex hoc fonte propè manarunt uniuersa, Regis semper-Augusti, Galliæque florentis ornamenta , repressam ferocissimorum hostiū audaciam , Socios ab injuriâ defensos , bella feliciter gesta, perennes Ducū nostrorum victorias, pro-

latos Imperij fines, fundatámque toto re-
gno Provinciarum, Civiúmque securita-
tem : addent super his colendæ Pietatis,
instaurandæ Religionis, afferendæ Iustitiæ,
publicæque Quietis & Opulentiaë procurã-
dæ sollicitudinem, uno verbo, Felicitatem
sæculi gloriosissimè prædicabunt. Reli-
quijs istis Poëticis tenuibus, & obsoletis il-
lud unum supererit, ut quotidiana tuæ
comitatis humanitatísque miracula expli-
cent, & incredibilem, quæ in excellentissi-
mæ vitæ tuæ splendore peculiariter emi-
net, humanitatis morúmque suavitatem,
totis paginis, versibúisque commemorent.
Sed illam in primis, quam religiosissimè
venerantur, dicent benevolentiaë tuæ Ma-
jestatem, quâ Societatem IESV, Erudi-
torum & Religiosorum Patrum familiam
(quæ authori suo parens est) complexus
es semper, hodiéque complecteris adeò

peramanter, vt (quod ipsi passim apud omnes constanti sermonum, scriptorum, obsequiorūque professione deprædicant) in atrocibus aduersarum tempestatum procellis ad Eminētissimæ Dignitatis tuę fulgorem, tanquam ad salutare Castoras, cursum intendere; atque in sacrâ tui Favoris anchorâ spem certam, præsidiumque collocare patiaris. Ita liberis edixit suis author operis & parens Patruus meus, qui hoc solo nomine passus est eripi sibi de manibus, foetus istos ingenij suos, quod intellexit, hanc consilij mei mentem fuisse, vt nunquam in publicum prodire permetterem, nisi sub splendidissimi nominis tui Sole, Purpuræque fulgore apparerent. Quod ut facio lubenter, ita ægerrimè fero, in tantâ excellentium scriptorum contentione, qui laboriosas, eruditâsque lucubrationes tibi de suo certatim offerunt, nihil à me con-

ferri

ferri quod cenferi poffit meum : quam-
quam & hoc ipfum, quod appendo Glo-
riffimæ fempiternæque Mazarini No-
minis Memoria, domesticum, & optimo
quidem jure meum effe non inficiabitur,
qui & colligendarum Reliquiarum, & or-
nandæ Virtutis tuæ follicitudinem, & com-
munem cum Patruo tui colendi vene-
randique propenfionem expendet. Vē-
rūm facilè patiar, vt definat effe meum;
fi Tu CARDINALIS EMINEN-
TISSIME, pro folenni tuâ, quâ fupra cæ-
teros mortales excellis comitate, patiaris
effe tuum, & me in ampliffimam Emi-
nentiffimæ Celfitudinis tuæ clientelam
admiſſum effe volueris

*Eminentia tua devotiſſimum
veneratorem & ſervum,*

DE THERON.



E I D E M

Cardinali Eminentissimo.

DISTRACTVS, lacerâque Senex cum prole peribat
 Patruus, & blattis esca futurus erat.
Collegi, salvisque, tui splendore Favoris
Reliquijs Musæ nobilis esse dedi:
Vt meus in vivo Patruus qui pectore vixit,
Nunc etiam in memori Codice vivat Amor.
Verius, ut lucem Masarino è murice sumat,
Quem vetat aeternâ nocte latere Nepos.
Ac veluti rutilo, liquidi super aequore cæli,
Illustres Macula Solis in ore nitent:
Talis & ipse tuo Patruus clarescat in ostro,
Et nepos tanto diluat igne suos.

DE THERON, Sen. Tolos.

R. P. VITALI THERONO,

Poëtæ venustissimo.

EN mundus sacæ Aonidum, Phœbique supellex
 Regia, divitibus pellucens gaza locellis:
 Hæc ubi Romani populatus prædia Findi,
 Acribus ingenij curis, & Apolline dextro
 Aurea deposuit sapiens araria Vates;
 Digestisq; suis opulenta peculia chartis.
 Quam totus micat hic, radijsque illustris amans
 Ardet, & innumeris se Phœbus honoribus ambit.
 Nec magis ille DEVM referens, nec pulchrior olim
 Claruit, Argivis cum Pergama capta Mycenis
 Subderet, & Trojam Latijs imponeret oris.

DE LONG DEGARAC, Sen. Tolos.

V. C. BERN. THERONO,
SENAT. TOLOS.
OB RELIQUIAS PATRVI
Poëticas ab interitu vindicatas.

ITE, nimis sævi moritura Poëmata Patris,
Ni Pietas miseris alma tulisset opem.
Et vos ille quidem flammis abolere parabat,
Et dîtes nitidæ perdere Mentis opes:
Sed Pius eripuit ferali Carmina busto,
Aspersitque novo lucis honore Nepos.
Ite igitur, neque sævitie damnate Parentem,
Nec sceleris: culpam non habet iste rigor.
Non odium vestri, sed amica Modestia, totum
Crimen, & in tuto velle latere, fuit.
Vivētis tamen: & duri post funera Patris,
His quoque Reliquijs Fama superstes erit:
Quam dabit annosa Vitalis Gloria Musæ,
Idemque dedit Patruī gloria prima Nepos.

DE PVYMISSON, Sen. Tolos.



AD POËMATA

R. P. VITALIS THERONI
Poëtæ elegantis, & Christiani.

INCESTOS Superúm mores, vultúsque ferinos,
Semicanésque Deos, semideósque Canes,
Monstra poli, veteres cecinerunt carmine Vates :
Quo procul offensus rettulit ora dies.
At meliore manu, & sanctâ Theronius arte,
Ac plusquam Aonio Numine pangit opus :
Mollibus atque diem numeris, cantúque moratur,
Et prope Phæbeas suppressit ore rotas.
Quæ Doctrina, sacro Reverentia quanta Poëta !
Quámque gravi dulces cum Pietate modi !
Quàm blanda est Virtus, quam castigata Venustas !
Infert Pierijs Thero Siona jugis :
Expiat & Phæbum, Christi que in Nomen adoptat,
Castalióque novem tingit in amne Deas.
Debet hyanthæis Vatum sacra turba Camænis,
Si quis ab illustri carmine venit honor.
Theroni debent Heliconia Numina Muse,
Quod licet & pulchris, & simul esse pijs.

SANBLANCATVS.



AVGVSTISSIMI
PRINCIPIS
VIENNENSIVM
DELPHINI
BAPTISMVS.

Ad Eminentissimum Cardinalem
MAZARINVM.

SACRA facit canus solenni in veste Minister,
Et tenuem aspirans Pueri super ore vaporem,
DELPHINO caput aspergit, sanctoque liquore
Abluit antiquo maculosam crimine mentem.
Felices populi, nitido quibus aureus ore
Surgit, & Augustus signat nova secula DELPHIN.
Præsentes animis, linguisque faventibus este,
Votivâsque faces, & qui laquearibus aureis

Ante Deum multi pendunt, accendite lychnos.

*Iam grauis exsuccos LODOICI coxerat arsus
Febris, & ardens cupide succedere cælo;
Mens oculo propiore Deum fruitura parabat:
Cum pia tot Proavis decus addita Regibus ANNA,
Tot Reges labitura, daro DELPHINE, Nepotes,
Aspecto genuit lacrymans Regina marito.*

*Ac veluti dira cum fixit arundine pectus,
Ant matutinus, catulos Venator abegit,
Nobilis insano frendet clamore Leana:
Ipsa quoque immitti mentem traiecta dolore
Rugit, & Puerum gremio complexa madenti,
Quid fugimus, FILI? Sponsūque, Patrēque sequuti
Illustri dubitamus, ait, succumbere letho?
Quin lati morimur? vel, si prohibemur, eodem
Mærentes placide regimur cum REGE sepulcro?
Audit, arguit, paces plangoris acutas;
Et tales HEROS animā fugiente gementi
REGINÆ dedit illacrymans, NATOQVE loquelas.*

*Vivite felices latis successibus annos,
Aspectūque DEO. Soles palantibus este
Civibus, & cæcas mærorum auerite noctes.
Vivite concordēs. Anima, blandoque tenore
Florentem chari superis producite vitam:
Ac memores diras turbarum exscindere vepres,
Et colere annosas media inter Lilia Lauros,
Illustrem stabili Pacem fundate trophæo;*

Tu veniam dare supplicibus REGINA memento ,
 Et Puerum nostri pretiosum pignus amoris ,
 Formosos Regum mores , artēque docere ,
 Qua scelerum ultrices Pietate emolliat iras ,
 Et canis Lauros virides innectat Olivis.

Tu quoque sollicita cultu Genitricis amāno
 Cresce Puer , Patriaque Patrem , Pacisque sequestrum
 Disce triumphatis Regem prestare Tyrannis.
 Sed prius infuso Divina asperginis imbre
 Incipe cœlestem , partu meliore renatus ,
 Adlectusque D E O , sine noxa ducere vitam.

Dixerat : extemplo Procères , linōque decori
 Procedunt , & sacra parant Lustralia Mysta.
 Splendidus antè alios, cinctū M A S A R I N V S odor ,
 Romanique micans rutilo splendore Galeri
 Apparet , Puerūque manu deducit euntem ;
 Et sacram applicitum sistit veneratus ad aram.

Quinetiam Superos cœlo venisse frequentes
 Dicitur , & Volucres , ardentia Numina , Divos ,
 (Numina quæ Regum trabeas & iura tuentur)
 Ignibus Infantem placidè tetigisse serenis ,
 Regiæque illustri micuisse per atria fumo.
 Quos inter , nitidis M I C H A E L pulcherrimus alis ,
 Ille Parens , populique salus fidissima Franci
 Splenduit , & clausi referans signacula sati ,
 Protulit hac sacris impressa Oracula chartis.

Iam redit , & seclis iterum felicibus atas

*Aurea, iactatam bellorum turbine Pacem,
Oppressamque Fidem tutâ statione reponit.
Et Francis iubet aeternum consistere terris.
Iam pluvio cæli facies clementior auro
Stillabit, rutilique novum DELPHINIS ad ortum
Mitior in terras blandos iaculabitur ignes.*

*Maacte novâ virtute Puer, simul insita cordi
Creverit, & teneros flamma induraverit artus;
Protinus intextas Phrygio subtegmine vestes,
Et chelyn, & talos, & moscum, & lenta perosus
Otia, thoraces humeris aptabis ahenos:
Et galeas, & equos, & ephippia sola loqueris:
Exosumque probo ferrum mercaberis auro.
Nec mora purpureis Crucibus, Francisque decorum
Floribus attolles Labarum, lætâmq; ciebis
Clangentum sonitu lituorum ad signa Iuventam,
Et validam attonito deducens aquore classem,
Indices trucibus bella immortalia Turcis.*

*Iam volat; & Ioppen celeres tenuere carina,
Auratisque nitens Gallorum exercitus armis,
Castra Palestino metatus litore fixit.
En, ut dispulsis Franci legionibus instant,
Et patulos mergunt fugientum sanguine campos
Ut trepidat, vacuâmq; Tui formidine Mecham
Desertâ petit infelix Othomanus Idume:
Ut tua Te Solyme portis invisi at apertis,
Et servata tuum sequitur Iudæa triumphum.*

Totus Io circum strepitu Iordanis amæno
 Personat, & Zephyris percussi mollibus Hermon,
 Carmelúsque tuas laudes, Libanúsque loquuntur.
 Responsant nemora, & plausus imitata sonoros
 Plaudit inaccessis ludens in rupibus Echo.

Quid resides? multaque animum Pietate madentem
 Ebrius, eversa cessas ignavus in urbe?

Ire iubent Superi, celsas ut Chalcidos arces,
 Et dices Arabum castias, & Memphin, & omnem
 Eripias Mauris pradonibus Hellepontum,
 Totúmque Ægeo Mahumeten aquore mergas.

Inde triumphatis dubio certamine Parthis,
 Extremos etiam victor meditaberis Indos:
 Caucaseásque nives, & fulminis ocyor alis
 Euphratem, rapidúmque procul transgressus Orontem,
 Inter Erythraos dispones Lilia flores,
 Eoisque caput cinges, & brachia palmis.

Interea dum bella tuos, curaqué triumphos,
 Et reditum cautes, pelagúsque immite morantur,
 Securis Regina Parens circum otia ponet
 Fimibus, & longá perfundet Lilia Pace.

Nec tamen ignotas, laudum speciosa cupido,
 Pugnarúmque fames, PLVS VLTRA, quarere terras
 Vrgeat, & molleis gelidi trans avia montis
 Mœnia, Sinarum populos, vastoque natantes
 Oceano cogat Iappanum incessere gentes.

Vincat amor Patria, Matrisque in Prole timentis

Irrequieta Tibi pectus suspiria tangant.

*Sed redit, & toto dominatrix equore Classis
Pradarum saturas acies, REGEMQUE decoro
Pulvere sordentem patriâ tellure reponit.*

*Cerno triumphalem, rutili qua fulguris instar,
Mille loquax linguis rapido volat impete, Famam
Ire per attonitas dubijs rumoribus urbes,*

*Et Domini redivit, populis; Natiq; salutem,
Vernantésque genas cupida narrare Parenti.*

*Erumpit saliens thalamo Regina, levésque
Matris amor celeri cursu pratervolat Euros.*

*Et reducem complexa sinu, complexa valentem
Carpit, & angusta figit mille oscula fronti.*

*Excita regalem sequitur, plausûque frequenti
Prosequitur, Regum veneratrix Gallia, currum:*

*Et cœlum clamore quatit, fumisque vaporat.
Ditibus, & solem iactatis floribus arcet;*

Deque suis annis addi Tibi postulat annos.

*Ipsa etiam velit infelix venisse Nauarra
Et Regi fuisse suo: sed acerba gementem*

*Et Pyrenââ pendentem ex rupe morantur
Vincula, captivas Regina arcentia palmas.*

*Illa tamen, misera quia tantum vota supersunt,
Vota repercussis longè exaudita cavernis,*

Et iuges lacrymas, & verba hæc tristia mittit.

*Vive diu Franca Regum fortissime Genti,
Ut defensa tuis aternis Lilia Palmis.*

*Et nostros, sic Fata volunt, miserate labores,
 Disijce Regali vincla hac infamia collo,
 Nec patere Hispanos Regina illudere fastus,
 Audiet orantem, & fraudes LODOICVS Iberas,
 Et ferale iugum gladio, nodosque resolvet:
 Subiectosque novo fruiturus iure Nauarros,
 Regia iuratos admittet ad oscula Cives,
 Maternumque potens capiti diadema reponet.*

*Nec tamen hic decorum cumulus, nec pulcher honorum
 Limes erit. Populos uno feliciter omnes,
 Quo Francum reget Imperio; Luparaque superbas
 Arduus ante fores, nullo discrimine gentis,
 Equa triumphali librabit iura bilance;
 Et quâ tela manu feralia torsit, amœnas
 Victor in aeterno calabit marmore Leges;
 Abiectoque procul dabit aurea secula ferro.*

*Sic ait, & fortem tollens ad sidera dextram,
 Augustum Superis Nomen, dirisque verendum
 Manibus, audaci pavitans formidine iurat,
 Vera rato firmans oracula sacramento.*

*Obstupère metu Proceres, terrâque verentem
 Turba frequens pressit portento exterrita vultum.
 Mox tamen ut fracto lucem splendescere fumo,
 Prasentisque domo Superos excedere sensit:
 Este boni, facilesque sacris intendite nostris,
 Exclamat Pater extrema de limite vita,
 Et spebus Regina Parens hilarata secundis,*

*Et Proceres, Populúsque pari clamore sequuntur:
Dum Puerum castus lustrali flumine mergit.
Antistes, sacroque caput consignat Olivo.*

*Ex illo meliora nitent, lapsuque sereno
Acrius in nostras intendunt sidera sortes,
Obsequio famulata tui, MASARINE, favoris.
Tu Pueri sponsor, diuino in fonte lavanti,
Tu Fidei genito, speciosi nominis author,
Præfago Patris auspicio, iussuque fuisti:
Grandemque in tenera LODOICVM prole renasce,
Et Patriis. Natum radiis ardere dedisti.
Quod superest, France fausto datus omine Genti,
Incipe Regales, fatis authoribus, aureo,
Sic Regina iubet, sortes deducere filo,
Et vasto faciles humeros suppone labori.
I Pueri MASARINE comes, quocumque volentem
Fata trabunt, Capitique sacro bona verba precatus,
Consiliis adiutor ades; & iugiter acres
Providus Augusta cûras impende saluti.*

*Sed fugitivam etiam cælo deducere Pacem,
Bellonamque procul terris arcere labora:
Contusi rigidâ prædantium grandine Crues,
Et misera tangant animum facta aspera Plebis,
Fata tua Superum concessu credita cura.*

*Ac veluti, sua cû dubio Ceycides ova
Exclusere salo Alcyones, turbata remittit
Vnda, nec immites bacchantur in aqore Venti;*

*Tu quoque , pacifica secundo lumine mentis ,
 Disijce miscentes civilia bella procellas,
 Et dubias turbarum hyemes MASARINE serena.
 Sic Tibi florentes opulentum indulgeat annos ,
 Et iugi caput aspergat dulcedine cælum.*

*Sic Tibi, dum toto dominabitur aquore DELPHIN,
 Et (qua veridicâ MICHAEL Oracula voce
 Protulit) ignotis adolescent Lilia terris ,
 Supremam Romana parent Comitia sedem.
 Et Mundi dominam ponant in fronte Tiaram.*





IORDANIS CAPTIVVS.

ET

AVGVSTISSIMO PRINCIPI
VIENNENSIVM DELPHINO
SVPPLEX.

AD EMINENTISSIMVM
CARDINALEM DVCEM
DE RICHELIEV.

IAM decies nascens rediuvio lumine Luna
Fulsit, & adversò reparavit cornua Sole,
Cum Francis ruit omnis agris effusa, novùmque
Delicias Orbis, DELPHINEM Europa salutat.
Sed miser extremâ vix tandem audiuit Idumê,
Limosâque caput tollens IORDANIS ab algâ,
Felicem occiduo flammam clarescere tractu
Vidit, & aspectu terras hilarare benigno.
Protinùs in mediis liber spirare catenis
Cœpit, & afflicta requiem sperare Sioni,

Antiquo memorans incisa oracula saxo.

*Scilicet annosus vicinâ è Chalcide vates,
Ieiunum solitus siccâ dape frangere corpus,
Cælestique precum mentem saturâre saginâ,
Dixerat, & memori responsum inscripserat antro.
Fortunatus erit sæclis venientibus annus,
Cum Iuvenis Franco parebit ab æquore*

DELPHIN

*Qui sceptrum vetus, & Solymanæ cornua Lunæ
Frangat, & Eoo Mahumeten littore mergat.*

*Ergo procul viridi Puerum veneratus ab actâ,
(Nam miserum grandes prohibebant ire catena).*

Auxilium supplex valido clamore rogavit :

Carminâque instantis meditatus nuncia lethi

Mittere, Vitali dedit hac scribenda Poëtæ ;

Cui licet ingenium Musis inimica senectus

Fregerat, & priscos algore extinxerat ignes :

Ille tamen Franci felicem ad Sideris orium

Insolito pectus fervore calefcere cœpit ;

Et qui formosum Iuvenis Delphina Parenti,

Et virides dederat venâ meliore Coronas :

Nunc etiam Puero Senior marcentia ferta,

Et vetulos audet cunis adspargere flores.

Hoc quodcumq; tamen quod honesto crimine peccat,

(Si peccat veteres hederis implettere canos

Ausus, & in gelidâ iuvenem prestare senectâ)

Igneus ille tua mentis vigor, illa Favoris

DELPHIN
CORONA-
TUS OPUS
eiusdem
authoris
editum,
an. 1604.

*Majestas ARMANDE facit, qualumine tanto,
 Et nitidis nostras ita flammis imbuat Arteis;
 Ut quoties tardos pedibus, terræve iacentes
 Despectare voles, Hominum supreme, Poëtas,
 Protinus assurgant alacres, Cycnaaque muti,
 Si iubeas, etiam modulentur carmina pisces,
 Vocalisque sum, Duce Te, DELPHINA saluent.*





AVGVSTISSIMO
PRINCIPI,

LVDOVICI IVSTI FILIO,
HENRICI MAGNI NEPOTI,
Viennensium Delphino

IORDANIS CAPTIVVS

S. D.

I LLE ego nobilibus quondam regnatus Hebrais
IORDANIS, & tumentium,
Dum Solymis atas stetit aurea, dines aquarum,
Nunc agra vix humentibus
Saxis membra traho, miseroque illudit acerbis
Sultanus atrox vinculis.
Sed vos aspiciate, & victo miserescite Franci;
Iugumque collo soluite.
Aspiciate, ut sanctis insultat montibus; & quas
Cruore tinxit aureo,
Ab! rigido CHRISTVS moriens in stipite, terras
Arabs profanus polluit.
Et si quid Franci superest; si tangit honoris,
Verique sensus Numinis,
Vltrices ad sancta manus accingite bella:
Nostrisque Mauros finibus

D.

Exigite, & spurcis pollutas ignibus aras
Turco lauate sanguine.
Tu verò Occidui DELPHIN spes altera mundi,
Calique Sidus Francici,
In nostras oriens etiam convertere terras,
Miseraque felix adveni,
Qua Te Magne vocat, solioque inuitat, Idume:
Lupisque montes lacteos,
Et toties Francis dominatam Heroibus Urbem,
Iudamque Turcis eripe:
Nec sine deformes, Othomannica signa, beatis
Sordere Lunas turribus;
Hic ubi Daudici quondam fulsere Leones,
Crucisque Bullionæ.
Hoc Te fertilibus Collis formosus Oliuis,
Torrénsque Cedris consitus,
Et supplex Golgotha rogat, rogat omnis Idume:
Terraque sancta vindicem,
Te Solyme, Te capta Sion, DELPHINE, precantur,
Per mille CHRISTI vulnera,
Per laceros flagris humeros, augustaque diris
Compuncta iuncis tempora.
Conspuatque genas, & honestum dedecus oris,
Clavosque grandes, & trucem
Numinis infami pendentis in arbore mortem,
Sectique plagas corporis,
Et lato memorat perfossam vulnere pectus,

*Fusumque costâ sanguinem,
 Et mixtos unda latices, vivique verendum
 Dei cadauer objicit.
 Vi miseratorum, oculô videas, DELPHINE, benignô
 Acerba fata civium :
 Et tandem afflictâ capiat miseratio gentis.
 O ! si frequentes audias
 Dirè insultantum, media inter verbera, sannas !
 O ! si cachinnos hostium !
 Protinûs huc venies, rapidô celer impete vectus,
 Oestroque sancto percitus,
 Attonitum ratibus Francis onerabis, & atro
 Cruore tinges Bosphorum.
 Supremaque Duces Baciatas fulmine cladis,
 Ianissarôsque proterens ;
 Post Byzantina memoranda incendia Porta,
 Vastique strages imperi ;
 Tandem exarmatam Solymanna Tigris, ahenô
 Frenabis iram circulo :
 Ut saliat Turcis Judea erepta catenis ;
 Pacisque fructus aurea,
 Imperio, DELPHINE, tuo, felicitis oliva,
 Palmaque ramis colligat.
 E^T tuus ille quidem Genitor, cui Lilia succum,
 Vitamque sospes Gallia,
 Et restauratos debent Altaria cultus,
 Tendebat olim dexteram ;*

Et curam miseros, & opem sperare iubebat :
Sed bella dudum ciuica
Sollicitum, & longi Patria tenuère labores :
Dum cacus Errorum furor
Turbat, & insanis rabies Hugonotta rebelles
Incendit vrbes ignibus.
Pòst vicina etiam violatò fædere Gentes,
Vtrumque Regni limitem ,
Et socios pulsant veteres , Francisque serenos
Nitere Soles invident.
O te Magne Puci tanto Genitore beatum :
Qui pace, qui bello potens ,
Post intestini depulsa pericula motus,
Post Factionis impia,
Et scelerum oppressos curis ingentibus hydros :
Grandes Ibero spiritus ;
Germanoque truces animos detraxit, & Alpes,
Salutisque latè Rhetios ,
Et tumidam victor docuit trepidare Pyrenen :
Fractisque Rheni cornibus,
Te Scaldis fugere, & servire Mosella coëgit.
Nunc, & triumphorum satur,
Multiplicique caput lauro, dextrámque venustis
Palma decorus frondibus ,
Æternam Patria meditatur condere Pacem ;
Legisque Iustus aureas ,
Auræque extenso Felix dare secula Regno.

Sed

*Sed antè nostram prouidus ,
 Grande rudimentum virtutis , & omen aruita ,
 Per te salutem destinat.*
*Ergo veni, tecúmque operis, DELPHINE, molesti,
 Viaque difficilis ducem*
*ARMANDVM securus habet, magnúmque secundis
 Admitte rebus auspicem.*
*Ille tuo datus obsequium prestare Parenti,
 Calóque missus artifex ,
 Ærumnas veteres, & ineluctabile regno
 Fatum paterno depulit :*
*Et Patria fines, & Franca gentis honorem,
 Sceptrúmque longè protulit.*
*Ille feri tumidos compressit, & aggere vastò
 Franauit astus aquoris :*
*Sed meliùs populorum iras nífusque feroces
 Pulcris repressit artibus.*
*Ille rebellantes armis felicibus urbes,
 Nothósque ciues contudit :*
*Sed conjuratas scelerum felicius Arces,
 Falsíque turres eruit.*
*Disflauítque minas, & classis vela Britanna,
 Ventísque ludibrium dedit.*
*Ille Pyrenæos numerosò milite montes,
 Tagúmque famá terruit :*
*Sed magis Hispanos magna molimine mentis
 Fastus, & astus perculit.*

Ille etiam totam Tibi complanabit Idumen :

Tyrique portus nobiles ,

Et Libani fauces , & Ioppes claustra recludet.

Summisque Lunas detrahens ,

Liliâque , & grandes nostra monumenta salutis

Cruces reponens turribus ,

Pacificum pulcrâ faciet regnare Sionem :

Nonique fines imperi

Ad Sinas , Scythiaque nives , & Phocidos arua ,

Fontesque Nili porriget.

Ergo Veni DELPHINE , Vide , Francôque feroces

Ardore Vince Barbaros.

Aspicias ut trepidi nutant , neque Lilia contrâ

Videre Turca sustinent ?

Aurôque intextæ præstrictus fulgure Flammæ

Fugit Tyrannus impotens :

Et quas antè vorax , & inexsaturabilis hausit ,

Fædè vomit provincias.

Non secus ac celeri præpes fugit Ardea pennâ ,

Cùm pone dirus imminet

Tinnula per Vacuum quatiens crepitacula Falco :

Metusque mortis incitat.

Nam simul emissus pugno , lorisque solutus

Venator ales emicat :

Protinus ille fuga vomitis se piscibus aptat ,

Leniorque præter arduas ,

Quâ tonat , & densi terris sitientibus imbres

Sparguntur, auras evolat.

*Sed frustra fugit, & rostri mucrone latentis
Hostem ferire destinat.*

*Occidet, impulsuque Fera diffissa potenti,
Eviscerata concidet.*

*Sic, fugiat licet extremos Othomanus ad Indos,
Fugâque fraudes instruat :*

*Et gazas veteres, & belli robora, nummos,
Aurique montes prodigat :*

*Aut etiam toto pugnax Oriente resistat;
Portusque mille classibus,*

*Et validas circum claustris immanibus urbes,
Arcesque saxi muniat.*

*Omnia felici perrumpes, omnia forti
Virtutis ausu proteres.*

*Et Sceptrum Vetus, & Solymannæ cornua Lunæ
Franges, & Eoo procul,*


*Quò te fata vocant, Mahumetem littore merges.
Ut Victor, extremo mari*

*Immortale Cruci statuas, DELPHINE, Trophaum;
Terrisque pacem ditibus,*

*Et populo Francos ARMANDO præstite mores,
CHRISTIQUE leges inferas.*

*Sic erit. Et pollens opibus, te Rege beato
Incedet atas saculo :*

*Et rupes iterum sudabunt mella propinqua,
Amnèsque lacte profluent.*



RVPELLA FELICITER

E XPVGNATA.

CHRISTIANISSIMO

REGI

LVDOVICO XIII.

IVSTO, PIO, FELICI,

TRIVMPHATORI SEMPER-AVGVSTO.

EPINICION.

VICTOR Io, turres scelerum LODOICVS
ahenas,

Errorumque pharos, cæloque minantia saxa

Eruit, & iustis attrivit funditus armis.

Vicit, & infamem violato fœdere classem,

Periurósque, mari cæloque faventibus, Anglos

Perculit, & pacem trepidos orare coëgit.

Felices populi, placidum quibus aurea calum,

Et soles atas melior promittit amicos.

Plaudite, securique novos decernite passim

Imperio, meritisque nova virtutis honores.

Vicit Io, plebique ingum, franósque furenti,

Et



*Et faciles legum posuit LODOICVS habenas.
Nunc Francis asserta quies, nunc diuite fato,
Post intestini sedata incendia belli,
Nobilis aeternam potietur Gallia pacem.*

*Ecce ferox, populique caput deforme Rebellis
Occidit, & terram infelix Rupella momordit.*

*Illa quidem falsum cæli mentita favorem
Hactenus, & pelago latè dominata tumebat :
Nec Reges venerata suos, nec iura, feroces
Semper acerba minas, semper noua bella parabat.
Sed totas misera Regum Iustissimus artes,
Audacesque animos, evulsaque cornua fregit.*

*Ille feram caveis, posito circum aggere, plebem ;
Et fontes arcto populos in carcere clausit :
Ille latrocinij infame frequentibus equor,
Oceanique reos fluctus in vincula misit.*

*Ille rebellantem toties, & Regibus ausam
Insultare suis, terræque marique moventem,
Et sua periūros armantem in viscera cives,
Externasque acies Austro, Boreæque vocantem
Contudit, & proprijs Hydram compressit in antris.*

*Nunc alia, & casu melior Rupella beato,
Ante tuos abiecta pedes, & nobile collo.
Passa iugum, supplex veniam LODOICE precatur:
Verbæque devota fidei solemnia iurat.*

*O quantâ Matris, quantâ dulcedine casta
Coniugis angustas vulcent nova gaudia mentes.*



*Cum celer, & levibus veniens eques incitus alis
 Divinos apices, mandatæque regia perfert.
 Et totam obsidij faciem, castellæque circum,
 Et positos undis obices, sylvasque natantes,
 Implexasque trabes, deiectæque saxa profundo,
 Demersasque rates memorat: tenuique labores,
 Et vastas operum moles in pulvere signat.
 Directasque acies, objectæque rostra Britannis,
 Et curas operose tuas Armande recenset,
 Felicesque dolos, Regemque in Cardine tanto
 Omnia fatalis versantem pondera belli;
 Mox captivorum illuviem, deformiæque ora,
 Squallentesque genas populorum, alvosque tumentes,
 Insanamque famem, maciemque ex ordine pandit.
 Regales anima, lenti quibus anxia belli.
 Sollicitas merito dabat expectatio curas,
 Et cupido mora longa metum faciebat amor:
 Nunc trepidos vultu populos hilarate sereno,
 Et mundo nitidos oculis accendite Soles.
 Vicit, & heroo frontem sudore decorus,
 Pulveræque adpersus faciem LODOICVS honesto,
 En redit, & paribus vobis fert oscula votis:
 Atque triumphato curis ingentibus hoste,
 In vestro decus omne sinu, laurosque reponit.
 Atque utinam victor, felici munere, castam
 ANNA dato Delphine tibi Rex augeat aluum:
 Et pulchrâ faciat complexus prole parentem!*

*O favor ! ô nullis hominum impetrabile curis,
Sed tantum Superis, & amico numine dignum,
Nec tibi, nec Regi satis unquam optabile donum !*

*Hoc tamen, & nostris depulsa injuria templis,
Et defensa Fides meruit ; meruere labores
Principis : & Magna pietas dignissima Matris:
Venturoque Pudor tuus admirabilis ævo,
Et Morum tenor innocuus meruere tuorum.*

*Hoc patria, populi que salus ; & candida Regni
Poscit Hugonotis facies admorsa colubris :
Civilique diu turbata negotia motu,
Et dolus externo semper metuendus ab hoste,
Armorumque furor, fraudumque pericula poscunt.*

*Hoc etiam voto Proceres, plebesque fideli,
Et quicquid toto sociorum est orbe, precantur,
Ut stet securo Spes publica fundamento,
Liliæque aternis durent suffulta columnis.*



EMINENTISSIMO
CARDINALI DVCI
DE RICHELIEV.

ILLA tot imperijs, tot inexpugnabilis annis,
 Quæ pelago, quæ præsidijs Rupella tumebat,
 Corruit, & vasto sonuit convulsa fragore.
 Non illam Maris imperium, non aquoris astus,
 Non circum Oceano stagnantes divite campi,
 Nec valida crebris munita turribus arces,
 Nec conjurata damnati fœderis urbes,
 Nec juvère truces immanni classe Britanni.
 Omnia perrupit, scelerum omnia vincula fregit
 Altera BORBONIDVM LODOICVS gloria
 Regum.

Diraque victrici jaculatus fulmina dextrâ,
 Fecit ut oppressis spiraret Gallia monstribus,
 Liliâque angusto melius candore nitèrent.

Ille suum asseruit sceptro decus, ille vigorem,
 Hæreticaque dolos fraudis, populique rebellis
 Cornua, constanti magna luctamine mentis
 Contudit, atque uno demùm feliciter ictu

Victor

*Victor Hugonota capita omnia conscidit Hydra,
 Consilijs ARMANDE tuis. Tu cuncta potentis
 Ingenij curis penetrans, animoque volutans
 Omnia, nunc freta, nunc classem, nunc castra, laboresque,
 Et vastas obicium moles, operumque videbas.
 Tu Ducibus mandata dabas, tu militis omnem
 Eloquij iustis acuebas cotibus iram.
 Quin & frana mari, Pontique tumöribus aptans,
 Indocilem Oceanum REGI parere jubebas.*

*O caput ! ô fastis nomen venerabile nostris !
 O Regi dilecte tuo ! Te Gallia sospes,
 Te Populus, Te Relligio, Te Principis Aula,
 Et favor, aeterno laudum splendore coronant.
 Ac, nisi Romani vetet observantia moris,
 Quicquid non Italum est, sacris mundoque praeesse,
 Et Vaticano prohibens in colle sedere ;
 Tergemina diadema vovent ARMANDE Tiara,
 VRBANOQUE senem unanimes succedere poscunt.
 Ut tua, qua veterum titulis illustris Avorum,
 DIVITE clara LOCO micuit, Te Principe, totum,
 Virtutis fulgore tua Gens impleat Orbem.*

*Sed frustra, meritos alibi virtutis honores,
 Magnorumque operum fructus, & pramia quarat.
 ARMANDO meruisse sat est, Regique fidelem
 Impendisse operam, sibi pro mercede reponit.
 Tantus honos fortes propria dulcedine laudis
 Imbuit, & solidô mentes alii intus Honestô.*

IN medijs nivibus, gelidique in vertice montis,
 Quem supera Arverni tollunt ad sidera saltus,
 Hos, ARMANDE, tua laudis praconia, versus,
 Frigidus exhausto vates de fonte trahebat;
 Atque reluctantes, felici fraude, Camœnas
 Ad numeros iterum, desuetaque vincla vocabat.

Quis miretur enim? quando SANFLORIVS instat,
 Et vires operi Praesul, studiūque ministrat.
 Sed tua, quod magis est, Virtutum, & Nominis ardens
 Purpura, vitales spargens in carmina flammās,
 Urget, & extinctos tardi senis excitat astus.
 Quin etiam simul ac clamosa murmure Fama
 Accepere, novo lapidosi carceris usu,
 In silicum pedicas ultrò Nereïdas isse,
 Vastorumque graves obicū admisisse catenas;
 Venerunt faciles verborum ad vincula Musae,
 Et cupidum numeros habiles docuere Poëtam.

Talibus auxilijs, sermonum flumina pumex
 Funderet, & muta loquerentur carmina rupes.



AVGVSTISSIMO
PRINCIPI
VIENNENSIVM DELPHINO,
LVDOVICI IVSTI FILIO,
Henrici Magni Nepoti.
MAXIMILIANVS LEONORIVS
Marchio de Beshune.

Theses de Cœlo & Mundo propugnaturus in arca
Collegij Montalbanensis Societatis IESV.

A Vdeo, nec vasti dubito freta naufraga Ponti,
Auspicijs tranare tuis : nec inhospita Terra
Dorsa, nec infestum monstribus ardentibus axem
Difficili superare viâ, DELPHINE, recuso;
Et totum quocunque vocor percurrere mundum.

Scilicet, imperio qua te, Formose, potenti,
Et domitò Regem Sapientia destinat orbi ;
Me quoque fortunæ famulum, DELPHINE, viaque
Mensorem iubet esse tuâ : sed & aurea dictat
Servitij documenta novi, studiumque merendi,
ARMANDVS toto mens una capacior orbe
Imperat, & tacitas adspirat murice vires.

At Pater, extremas cujus penetrabile fulmen,

*Et clamosa sono tremefecit Gloria gentes,
 Adversos procul ire jubet LODOLCVS in axes,
 Praconemque sequi diffusa per aquora Famam:
 Vt Cælum radio mensus, Terrasque fideli,
 Ancipites Astrorum obitus, & grandia vasti
 Describam brevibus Mundi spectacula chartis.*

*Ipsa quoque incertum, Cæli fax altera Franci,
 Signat iter, vultuque favet Regina sereno.*

*His ego securus Ducibus sæliciter erro;
 Et Totum, medio sublimis ab aethere lustro:
 Dum me diva tuo facilem Sapiencia fingit
 Obsequio, mariùmque finus, terraque iacentis.
 Ambages, cælique domos, DELPHINE, latentes
 Explicat; & certo ducens per devia filo,
 Te bello, te pace potens, Regem omnibus unum
 Designare jubet, populis, Terræque, Marique
 Fortunæ monumenta tua, memoresque laborum
 Prasago titulos adamante incidere mandat,
 Et medio nomen BORBONVM inscribere Sole.*



ILLVSTRISSIMO, AC
 REVERENDISSIMO
 D. D. PETRO DE BERTIER,
 EPISCOPO VTICENSI,
 Coadiutori Montalbanensi, &c.

PHILOSOPHI MONTALBANENSES.

Implicitas Logica Syrtes, & inhospita Mentis
 Entia; fidenti freta formidata luventa,
 Elapsi, toto quâ circumflectitur orbe,
 Natura vastum intrepidi percurrimus aquor:
 Et trans Materia sensu-tractabilis oras
 Impulimus nostram remis audacibus Argon.
 Scilicet optati speciosum Vellus honoris
 Traxit, & immensis cursum calcaribus urisit.

Nunc hilares terram ripâ propiore videmus:
 Sed timor in fluctus, objectâque tela repellunt,
 Ni dubijs ades, Antistes Clarissime, rebus,
 Berterix nomen nunquam delebile Gentis:
 Idem & Sorbonici mens irrequieta Lycæi,
 Et sacris lingua nitor, & vis ignea Rostris.
 Ergo ades, & tenuem, quo te Sapientia plenis

H

Mersit vorticibus, nobis adsperge favorem.

Illā tibi diros spirantem naribus ignes

Mollijt, & multo, claravit Sydere Taurum.

Illā salutarī duxit per devia filo,

Et sanctas mendace dedit pro vellere vittas.

Vt tua Philosophis lucerent Sydera Nautis:

Et qualem Europa mentita est Fabula, vivum

Instrueres Sophia patrio de Stemmāte lembum,

Propitiāsque sacris spirares flatibus auras.

Stemma genti-
lium Ber-
tiz familiz.



PIA
EVCHARISTERIA.

ARAM CONCORDIÆ,
 QVAM IN ÆDE SACRA COLLEGII

MONTALBANENSIS,

PATRES SOC. IESV SCHOLÆ MODERATORES,

B. Mariæ SEMPER-VIRGINI, CONCILIA-

TRICI PACIS, ET AVGVSTÆ CHRI-

STIANÆ IVVENTVTIS VRANIÆ

NVPER EREXERANT,

V C. IRENÆVS, PHILOPARTHENVS PACIS

AMATOR, IDEM ET AMATVS B. V.

OPVLENTA SVPELLECTILE, ET VASIS EX


ARGENTO PRETIOSIS ORNAVIT.

P. V. THERONVS COLLEGII CVRATOR

ELEGANTEM PIETATIS APPARATVM

CARMINIBVS EVCHARISTERIIS

ILLVSTRAVIT.



EVCHARISTERIVM

PRIMUM.

CALIX EVCHARISTICVS,
ET SACRA MISSÆ SVPELLEX.

VT procul obscœnam bellorum abscedere pestem,
Et pulchram cœlo iubeas descendere Pacem,
Supplicat antè tuam venerans Philoparthenus aram,
Dêque tuis opibus, (nam quæ sibi plurima cœlum
Indulsi, tu dives opum REGINA dedisti,
Et curas animi vigiles, vastique labores
Consilij, censu Charitum locuplète beasti)
Parthenium vasis altare decentibus auget,
Et sacra nobilibus vestit mysteria pannis.

Principio micat, & lento decocta metallo,
Spirantèsque notas calo. mentita fideli,
Obijcit argento patientem in divitè Christum:
Et vitale Dei funus, sordèsque decoras,
Felicèsque silens loquitur CRATERA dolores.
Heic trepidat Deus, & densis quâ frondet olivis
FILIVS extremo PATREM rogat anxius horto:

Horrificaque procul satagens opprobria furca,
 Et dira calicem medicatum avertere mortis,
 Sollicitat surdas irati Numinis aures :
 Et medias inter zeliq̃ue, metûsque procellas,
 Ancipitem sancta mentis luctatus agonem,
 Perpetuum sudat simulati sanguinis imbrem.

Heic placidè, chordis rudibus, calique, solique
 Artifices prabere manus, paloque ligari
 Argentem sinè veste Deum spectabis, & acres
 In nudum furere, & scuticâ savire ministros.
 Caduntur rigidis argentea membra flagellis,
 Calatiquè humeri virgâ lacerante secantur.
 Quinetiam diros plectens Custodia vepres
 Regia crudeli compungit tempora serio,
 Et mœstam vacuâ ludens in arundine scenam,
 Procidit antè reum miles, Regémque salutat.
 Nec tamen afflictî species miserabilis oris
 Mollit Hebraos, immitia pectora, pardos.
 Eminent, atque truces, argento durior ipso,
 Asperat in CYATHO mentis vesania vultus.
 Heic quoque turbatur Solyme, Procerûmque Senatus
 Æstuat, & caca meditantur inania plebes.
 Aspicias, ut fervet Scribarum exercitus omnis,
 Et densos glomerat simulati turbinis astus?
 Isacidumque, sacrâ legis formidine, falsi
 Pontifices animos acutunt, irâsque ferarum.
 Nec prius absistènt populos urgere furentes,

*Quàm stimulis odij veteris furialibus acti,
 Insignem iustis homicidam absolvere pœnis,
 Feralique Deum ligno suspendere poscant,
 Ut secum, horribili Pilatum crimine nectant.
 Ille quidem sevos Pharisei vorticis astus,
 Turbataque fretum plebis sedare laborat;
 Mox tamen ut tantos immanè tumescere fluctus
 Sensit, & instantes violati Caesaris iras
 Audijt intento populum clamore minantem;
 Protinus exsiliens, spurco sibi flumine fontes
 Abluit, & puro maculavit sanguine palmas,
 Infontem rabidis permittens Tigribus Agnum.
 O scelus ! ô caci placitum lethale furoris !
 Sed felix, qua morte reos, & crimine solvet,
 Æternamque dabit mortis Sententia vitam.*

*Parte aliâ grandem Domino, sic fata ferebant,
 Sæva parat Synagoga Crucem, Christi que volentis
 Exangues humeros immani fasce fatigat.
 Cernis ut in PATERA, formis expressa venustis
 Ducitur, & denso procedens agmine pompa
 (Ingressum licet exanimis, & verba figuris
 Materia rigor, & cali torpedo negarint)
 Ire tamen, mutoque loqui sermone videtur;
 Incisi præeunt, crudelè que funus in ipso;
 Et sua Carnifices spirant tormenta metallo.
 Triste satellitium, fasces, lituique sequuntur,
 Et nitidis Romana cohors apparet in armis.*

*Confusi circum nullo discrimine Cives,
 Et multus procul extremo peregrinus ab Orbe,
 (Quos pietas, festique potens veneratio traxit).
 Bacchantur, memorémque Deum, legemque perosi,
 Acribus amentata jocis convitia torquent,
 Et validis obscæna vomunt maledicta, grauique
 Sudantem sub fasce Deum clamoribus urgent,
 Exitiúmque Patri proles incesta minantur.
 Ponè comam lacera veniunt, Dominique misera
 Fæmineo cælum quatiunt clangore puella.
 Ille reos, inter ligno tardante, Latrones
 Æger, anbelatrahens duro vestigia clivo,
 Sudat, & immani titubans sub pondere, lapsat.
 Felices humeri, quibus auxiliare iubetur
 Obsequium præstare Deo, nolénsque beato
 Cogitur ante alios oneri succedere Simon.
 Tu quoque discissâ Berenice squallida pallâ
 Heic ades, & propior CHRISTO comes ire laboras.
 Et fugere illa quidem, thalamoque latere parabat,
 Dum venticaderent, furiaque reponeret astus;
 Sed tamen ut portis feralem excedere pompam,
 Et totam tumido Solymen fervère tumultu
 Audyt, ingenti licèt externata dolore,
 Audet, & aduersis mediam se plebibus infert;
 Ut postrema dolens morituro munera præstet,
 Afflictóque fidem probet auxiliata Magistro.
 Nec satis est misera, properat, colaphisque cruentas*

Turpibus

*Turpibus, & multo squalientes sanguine malas,
 Conspuitosque oculos miserans, inhonesta decori
 Tergit odorato vultus opprobria lino.*

*O stupor ! aeternum facies impressa rubebit,
 Et sacra formosas retinebunt lintea sordes.*

*Cernis, ut apparet propior, Christoque labanti
 Scanditur angusto simulatus Golgotha calle,
 Golgotha, cui vigili quondam Bethel uncta Jacobo,
 Et sacer illustri praelusit Moria colle.*

*Mons, ubi securis speciosi criminis ausis,
 Infontem Pater Isacum jugulare paratus,
 Et totam in puero. Credentum exscindere Gentem,*

*Cornibus harentem, densis in vepribus, Agnum
 Viderat, & cultu Fidei meliore litarat,
 Venturum typicâ veneratus in arbore Christum.*

*Heic, Vita dirâ pereundum est morte, Deoque
 Plorandum, & vivo sitiendum in stipite Fonti.
 Scilicet immitis postremo luditur actu*

Fabula, victores scelerosa plaudite scena,

Et vacuo cives Erebi saltate Theatro ;

*Dum pedibus calcata, Cruci, post verbera, Virtus
 Figitur, & medios inter moritura Latrones*

Humana pendet reparatrix vita salutis.

Sed tamen, infandum valido concussa fragore,

Et tanti faciem sceleris, populique cruentas

Detestata manus, damnant Elementa furorem

Continuò mundi species horrescit, & omnis

*Proh Superi ! moriente Deo Natura laborat.
 Aspicias, ut Cælum stupet, & marcentibus Astris,
 Extinctâque die, tenebrosa noctis imago
 Indecorem tingit piceâ fuligine Solem:
 Lunâque sanguineo connivens lumine, sordet.
 Aspicias, ut tremefacta salit, fundoque dehiscens
 Tellus, ossa vomit passis redi viva sepulchris.
 Dissiliunt montes pavidi, mundoque rigenti
 Grandia saxa necem, saxis collisa minantur.
 Extremo, Cæli Proceres, Fideique columna,
 Bissen Christi comites in margine surgunt:
 Et fatum Hebræa nunquam reparabile Gentis
 Attoniti, sortemque Dei miserrantur acerbam:
 Inque SCYPHO, facti memores, mollescere duro.
 Et semper gemere, & lacrymas stillare videntur.*

*Stat super, angustis, media inter sacra, diebus
 Acceptura Deum PATINA, excisique fidele
 Funeris officium sancto simulatur in orbe.
 Heic satagunt Christi memores morientis amici,
 Et mæsti, tacita per amica silentia noctis,
 Divinum Cruce deponunt, pia turba, Cadaver.
 At generosa Parens tumulo sublimis ab alto
 Prospectat, gladioque sinum trajecta dolentem,
 Exanimum recipit gremio; lacerumque, cruentumque,
 Abluit illacrymans detergo pulvere Natum:
 Et suprema labris turgentibus oscula figens,
 Appresso fugientem animam solatur in ore.*

*Ipsa etiam comitésque via, sociaque laborum,
 Tergemina veniunt Christum plorare MARIE,
 Et sua promentes fractis unguenta alabastris,
 Ditibus aspergunt horrentia vulnera succis.
 Sed propior, sulcata genas, lacerata capillos
 Eminent, infelix Christi patientis amatrix,
 Et simulata licet, veris tamen usque videtur
 MAGDALIS incisum lacrymis mollire metallum.*

*Vrceolos, fictumque manu meliore Polubrum
 Instrumenta Crucis socialia, lancea, mucro,
 Gallus, arundo, iudes, clavi, funalia, virge,
 Bulga recens, veteres nummi, speciosus aqualis,
 Astragali, toga, malluvium, mantile, columna,
 Funes, scala, vepres, & amaris ebria succis
 Spongia, calatis ornant impressa figuris:
 Et multus duplici Cherubinus prominet ala.
 Talibus aeternum pacalia sacra colentur,
 Et veneranda Deum capient altaria vasis.*

*Quid memorem dites, illustria munera, PANNOS?
 Et circum nitidis errans in vestibus AVRVM?
 Quid tenuem referam lini subtilis AMICTVM?
 Quid Cycladem, & ductas operoso pectine Mappas?
 Carbasa littoribus procul exportata Batavis,
 Quid Limbos? quid Pulvinos? quid serica Vela?
 Splendentemque auro Libri Missalis alutam?
 Quae tibi, pro patriâ voti reus, omnia puris,
 Intemerata parens, manibus Philoparthenus offert,*

*Vi procul in sauos auertas praelia Turcas,
 Æternâque tuos componas Pace Clientes.
 Tu donum placido, tu dantem respice vultu,
 Supplicibûsque favens, quando potes, annue votis;
 Et paupertinos, mendici scruta Poëta,
 Quos tibi pro veteri, sacris operatus, amico
 Diva parat, Pacémque viro, veniámque precatur,
 Accipe Virgo parens, inter dona aurea, VERSVS.*



EVCHARISTERIVM

SECUNDVM.

PYXIS · EVCHARISTICA.

TOta Deo perfusa CARO, diuine beatas
 Cœlesti recreans epulo Carbuncule mentes,
 Huc etiam sacro superâ detractus ab arâ
 Forcipe, pauperibus miserorum illabere mensis,
 Et semper-gravidâ, semper prognatus ab alvo,
 Arcano Deus in terras effundere partu;
 Et nostris iterumque iterumque renascere Templis.
 Ecce tibi molles, speciosam PYXIDA, cunas,
 Sed cultu meliore, animum sinè labe paravit
 Multo virtutum dives Philoparthenus auro.

Esaï. 6.

Ille quidem aterna miseratus Virginis aram,
 Et modici sordere rudes Altaris amictus,
 Voverat illustrem Sacris inducere mundum,
 Et diti pateras inopes mutare metallo.
 Iamque graves auro trabeas, & serica vela,
 Quasitâsque procul tenui subtegmine telas,
 Et lento ductum argento CRATERA dicarat:
 Cùm nocte occiduâ quando fugientibus umbris
 Candida tranquillas illustant somnia mentes;
 Attonito Divæ species augusta Parentis
 Splenduit, & roseo propius sic ore locuta est.

L

*Quid frustra Pacem clauso deducere Cælo,
Et procul extorrem precibus revocare laboras?
Dum scelerosa diu meditata pralia gentes,
Infernis cudunt sibi noxia tela caminis,
Insanoque Deum fontes errore laceffunt?
Parcite sacrilegis Mortales, parcite cæptis,
Et mores alios vitâ meliore professi
Exarmate pias violati Numinis iras.*

Mict. I

*Vnus opem vobis, unus prestare salutem,
Filius, & vigilem, potis est avertere Virgam.
Vos flecti facilem, gemitu clamoris acuto,
Sed magis innocui cordis plangore, vocate;
Protinus afflictis veniet succurrere rebus,
Et castis fætâ precibus lenitus acerrâ,
(Obscœnam licet exhalet vitiosa Mephitim.
Terra) tamen cælo veniet, vestrique misertus
Horrida felici componet pralia Pace.
Tu verò nitidas, ubi lapsus ab ubere Patris
Molliter accumbat, propera Philoparthe cunas,
Votivâmq; para divinis Panibus arcam.*

*Sic ait, & vasis speciem Regina decori,
Impressosque super formosâ PTXID E. vultus
Obijciens vigili media inter somnia cordi,
Iussit opus, rutiloque fores abitura nitore,
Atque domum multâ perfudit, & atria nardo.*

*Ille toro salit, & lacrymis, & voce sequutus
Regina vovet obsequium prestare morienti.*

*Nec prius instantem rediuvivi Solis ad ortum,
 Excusso redeunt operosa negotia somno,
 Quàm vigil ante alios ea semper cura labores
 Urgeat, & mentem irrequiesito murmure pulset,
 Venturo lepidum Christo penetrare parare,
 Et pia calatis aptare crepundia cunis.*

*Protinus argento PTXIS conflata nitenti
 Cuditur, & circum artifici compuncta tumore,
 Spirantes loquitur speciosâ fraude figuras.*

*Hic pius Isacum certus jugulare libentem,
 Nobile mactato facinus molitur amore,
 Juratique fidem obsequij testatur Abramus.
 Cernis, ut exultat mæsto super ardua busto,
 Traiectoque volens religatur victima fune:
 Ut genitor strictum nullâ formidine ferrum
 Exerit, & jugulum Puer imperterritus offert.
 Ergo tibi, Pater infelix, morietur, & insons
 Filius, ah fatum pueri crudele! paterno
 Ante Dei vigilis oculos cadet hostia ferro?
 Ille tamen tenuisse manum, tenuisse minantem
 Dicitur, & vocem hanc rutilâ de nube dedisse.
 Sat fidei, cæloque datum: sat fortibus ausis,
 Affectus Abrame tuos, animiisque probasti:
 Desine feralem specioso sanguine dextram,
 Et puram obsequio mentem maculare cruento:
 Sed lapsum è superis structo super injice busto,
 Vicinis quem stare vides in vepribus Agnum.*

Genes.
22.

*Nec tibi suscepta peritura est gloria cadis,
 Sed tacitum magno pendetur scenore votum.
 Namque tua puer Isacus pars altera vite,
 Quem tamem invicto generosa robore mentis
 Ausus es immiti tenerum supponere cultro,
 Vivet, ut irriguâ latè stabularus Idume
 Progeneret geminos, illustria nomina, Fratres;
 Innumerôsque ibi toto serat orbe Nepotes.
 Mirantum speciem, Natique Patrisque stupentum
 Attonitos vultus, incisâ PTXIDÈ servant,
 Et memorant fidei monumentum insigne Figura.*

Exod.
12.

*Hic quoque procincti, simulacra decora, viantes
 Circumstant inopem surrecto corpore mensam:
 Nec nisi lactucis conditum agrestibus Agnum,
 Et panes sine fermento vescuntur Hebrai.
 Agnosco veteres insani Principis iras,
 Et clades Ægypte tuas, verôsque tueri
 Isacidum videor, Calo fallente, labores.
 Scilicet afflictam solio sublimis ab alto
 Viderat, & sortem Iuda miseratus acerbam,
 Multiplici Deus immitem Pharaona flagello,
 Et iustis cælo, terrâque oppresserat armis.
 Nec tamen ivmani stantes in pectore cautes,
 Nec sævum duri cordis molliovit ahenum,
 Sed rabida furias, & inexorabile mentis
 Protinus elidet ferali fulmine saxum.
 I. Moßen affatus, ait, virgâque minatus,*

Dira

Dira rebellanti perfer mandata Tyranno,
 Quid decies cælo tactus, mihi sacra parantem
 Impius ingrata populum tellure moraris?
 Sed fera postrema cedit vesania cladi,
 Nam totâ meus Ægypto deserviet ensis,
 Percussas miscens horrendis cadibus urbes;
 Et latus, duce me, calcata per aquora, Juda
 Melliferos colles, opulentâque regna tenebit.
 Ne tamen insontes, inopina stragis acerbo
 Funere, confusis domibus mergantur Hebrai;
 Precipe cunctanti populo, festinus ut harno,
 Sic placitum, faciat tenebris instantibus Agno,
 Et fuso superos adspargens sanguine postes,
 Decoctas verubus paret ad convivium carnes.
 Talis erat species epulantum, abitumque parantum,
 Incisa qualem simulant in PTXIDE formæ.

Quid malesane times linguâ vibrante minantem Num.
21.
 Conflato pendere videns in vase COLVBRVM?
 Ille tamen diris olim serpentibus ictos,
 Roboreâ cruce suspensus servabat Hebraeos:
 Et certam procul aspecto dabat ære salutem,
 Præludens medico Christi pendentis amori.

Inferiora tenent, imâque in PTXIDE surgunt
 Melchisedech, gratumque pijs onus, Arca, Levitis,
 Et cælo veniens epulum mirabile MANNA.

Cernis ut artifice calo descriptus adorat,
 Pacificaque sacrâ progressus ab ade Salemi,

Genes.
14.

*Melchisedech, Rex idem hominū, Superiq; Sacerdos
 Numinis, acclini bona verba precatus Abramo,
 Et PANE & VINO sacris operatus, oranti
 Libatas parat, & vernis victoribus escas.*

Exod.
35.

*Nec procul excordi populo testata fidelem
 Sapius ARCA Deum, sculptis in pellibus horret,
 Tota renidenti licet intus fulgeat auro.*

Exod.
16.

*Supponunt humeros, calatâque colla Levita,
 Et charo gemere oppressi sub pondere molis,
 Et rigido super argento sudare videntur.*

*Hic etiam passis foribus, simulata patescit
 Aurea Cœlituum domus, & stillantibus astris
 Pascuus Hebrais sudo pluit athere nimbus:
 Vt Superum mentes satura, terrâque vagantum
 Esuries, mensâ sedeant concorditer unâ,
 Dissimilisque, tamen simili se Pane saginent.*

Matth.
26.

*Pulchrior accumbit supremâ in Pyxide Christus,
 Et memorem fundans aterni fœderis Aram,
 Bissenos arcana docet Mystera Fratres.
 Cernis ut absumpto Iudai Paschatis Agno,
 Augusta iussi Proceres accumbere mensa,
 Vitalem illæsis vescuntur carnibus Agnum,
 Divinaque sacro recreantur sanguine Vitis.*

Luc 14.

*Parte aliâ sculpti, peregrinâ in veste latentem
 Circumstant, facilique viâ procul ire minantem,
 Discipuli comites satagunt revocare Magistrum,
 Et secum dices epulas cœnare precantur.*

*Mox tamen ut cæcas inopino lumine mentes
 Imbuit, & medius hominûmque Deique Sacerdos,
 Vivifico fractos sacravit carmine PANES,
 Ingenti stupuere metu, pastique beatis
 Carnibus, illecebras, & amœnis ignibus acres
 Verborum meminere faces, divinæque vocum
 Mella, quibus sapiens mulcebat corda Magister.
 Dum placidè lentos animique, viaque labores
 Facundus comes ignito sermone levaret;
 Aurea priscorum libans oracula Vatum.
 Et Christum intuiti redidit à luce micantem,
 Laudavere pios blandè fallentis amores.
 Nunc quoque latantum vultus hilarescere credas,
 Et tacitâ mutas audiri in PTXIDE laudes.*

*Quid postrema nitet, caloque incisa fideli
 Fœmina, convivam media inter fercula Christum
 Ante torum prostrata colit, fractoque alabaastro
 Prodigit effusam calata in PTXIDE nardum?
 Agnosco mundum tenuem, dominûmque sequente
 Felices memini curas, & nomen Amantis.
 Magdalis est, quæ funereos obeunte Magistro,
 Mortalem venerata Deum, meditatur honores.
 Illa Pedes nuper nitidos lacrymisque rigarat
 Iugibus, & passo deterferat anxia crine;
 Nunc etiam Caput adperso perfundit amomo,
 Et pia calatis profert opobalsama plantis.
 Frendeat, & Juda nunquam exsaturata cupido,*

Mare
 14

*Turpes delicias, unguentâque perdita clamet,
 Et spreto inopes, cæco stridore, queratur :
 Immortale tamen facinus, serique nepotes,
 Et sacris aterna libris monumenta loquentur,
 Impressâque super memorabit PTXID E calum.*

*Tantum opus, artificis molimen nobile dextra,
 Virgo Patrona tua supplex Philoparthenus Ara
 Obtulit, & grata pretioso anathemate mentis,
 Indultas, fideique sua, rerumque suarum
 Delibavit opes, unôque in vase paravit,
 Auspice te, tumultum caso sine sanguine Christo ;
 Nascenti cunas ; sanctis penetrale, penumque
 Carnibus, ardenti rutilantem PTXIDA Gemma ;
 Et pandi facilem divinis panibus Arcam.*

*O Dives pretio, sed ditius arte metallum !
 Opacti memores veterisque, novique Figuras !
 Qua saturas, sacra cenantum mysteria, mentes
 Oblectant gratâ lepida dulcedine fraudis ;
 Et multo fidei convivias lacte saginant :
 Nobile vas ! ubi turgenti lavore Magistri
 Fulget in argento felix audacia cali.
 Sed melius tua cœlesti decocta camino,
 Aurea donantis pietas Philoparthenæ fulget.*

*Fallor an aterna meditantem oracula legis,
 Et matutinis subeuntem ad sydera curis
 Pertulit, & leni vox aurem illapsa susurro,
 Terruit attonitam blandâ formidine mentem ?*

Quo

*Quò mihi formosis illustria vasa figuris ?
 Quò tela subtilis honor ? quò splendida bombyx ?
 Et circum niveis errans in vestibus aurum ?
 Si mediâ lux agra die torpescit, & atra
 Undique dedecorant opulentum Altare tenebra,
 Nec pulchri splendere sinunt decora omnia mundi.*

*Talibus orantem mediâ sublimis ab arâ
 Intemerata Parens visa est incessere verbis.
 Sed pia me, fateor vigilantem insomnia fallunt,
 Et ludunt vetulum deliria blanda Poëtam.
 Diva tamen claram, tenebrosum exosa nigrorem,
 Te jugi rogat instinctu Philoparthenæ lucem,
 Et dices loquitur cordi penitissima LTC H N O S.
 Quid dubitas instante Deâ, sed protinus aude,
 Patronaque cliens veneratus iussa rogantis,
 Aut nitidis aram pius instrue Candelabris,
 Aut vigilem illatis opibus meditare Lucernam.*

*Sic tibi Diva tuis nunquam non prospera votis,
 Felices liquidis producat Solibus annos:
 Et, medias inter rerumque, animique procellas,
 Illustret dubiam cœlesti lumine mentem,
 Nec sinat Altanis violari Lilia flabris:
 Sed procul in sævos avertens pralia Turcas,
 Securam jubeat Francis splendescere PACEM.*

N



BALZACVS ILLVSTRIS.

OPVS HORTATORE MAYNARDO PRÆSIDE
PERITO CARMINVM ÆSTIMATORE,
Nobilissimoque Poëta, libenter
susceptum;

*ET AB IP SO BALZACO ELOQVENTIÆ
veteris Instauratore, in amplissimam Laudatorum
sui nominis multorum & illustrium Familiam
peramanter adoptatum;*



BERN. THERONVS NEPOS AVTHORIS,
HOC LOCO, SANE NON ALIENO, INTER
cæteras Patruī sui Reliquias collocatum
esse voluit.

AMICISSIMO,
CLARISSIMOQVE PRÆSIDI
MAYNARDO.

N *Erugas effœta suas , & pendula marcens
Vbera , deformique sinum padore iacentem ,
Musa senex daret Ausonio ridenda Theatro :
Dum Proceres scenam specioso syrmate verrunt ,
Et tota spirant violas , & amoma Camœna ,
Nobile formosi venerantes nomen Amyntæ :
Dixerat , in veteri citharam suspendere lauro :
Solâque Balsacijs adolere silentia sacris ;
Et pulsam attonita mentis jugulare parabat.*

*Tu tamen exsuccam , mea quondam cura , animaque
Dimidium , Maynarde , mea , sine sanguine venam
Pungis , ut effosis distillent carmina fibris :
Blandâque mentitus laudum simulacra mearum ,
Languentes agitas chartis instantibus ignes.
Ecquis enim stupor , orchestrâ plaudente silere ?
Ecquis marcor , ais , ubi cursu laudis anhelò
Musica facundi celebrant certamina Vates ,
Carceribus tardos torpentem inhibere jugales ,
Et missâ procul à metis , absistere mappâ ?
Talibus harentem monitis impellis amicum ;
Nec lacerum intuitus , nec stantem pulvere currum ,
Antiquo satagis fugitivum includere Circo ,*

*Et Clarios urges iterum succedere fontes,
Et lenta invitis moliri cantica Musis.*

*Sic agor, & tacito dubia rationis in aestu,
Ancipitem scindunt studia in contraria mentem.
Hinc amor, inde timor totis jubet ille venustum,
Delicias veteres, thecis effundere mundum,
Fallacisque genis anubus, frontisque rigori,
Annosisque coma nivibus, inducere fucos,
Et viridem cute deteras simulare luventiam.
Hic melius, populi sannas, scenaque minatus
Sibila, marcentis memorem iubet esse Senecca,
Et Phaethontea famosa incendia cladis,
Et maria Icarium memorat testantia casum.*

*Quid facerem? sed vicit amor, facilique ruinâ
Balsacæ mentem dejecit gloria Fama,
Et pulcher veteris dolus expugnavit Amici.
Cedo volens, & quâ toto natat aquore tellus,
Ire per extremas, Musarum nuntius, urbes,
Et populos meditor sapiens errare per omnes:
Hæc ego te, Pater Eloquentiæ facunde, per ambos
Dexter agam, pennis solvi metuentibus, Orbes.
Et dites animi census, & nobile prælis
Nomen, & ardentes nativo lumine Chartas,
Ingenij radiosa tui miracula pandam.*

*Tu molli cisto, nostram, qua paupere cultu
Angusto sordebat iners Facundia rure,
Et vitam brevibus fundis in honora trahebat,*

Splen-

*Splendentem Aonidum duxisti primus in Aulam;
Et grandes pedibus nudis aptare cothurnos,
Intextâsque auro cycladas vestire dedisti.*

*Tu cerussato frontem lauare nitore,
Puniceisq; comam docuisti stringere vittis,
Et totum Suada veteris pratendere cultum.*

*Tu Graias populatus opes, & florida Roma
Prædia, Lutetiam, doctas operosus Athenas,
Et Latij veneres, & fortia verba vocasti.*

Quid pacem ancipiti laceras Vir Magne duello?

Et sine lasurâ, sparsis per inane querelis

Asper inhumano figis verba aurea ferro?

Quid multus strepit ingratis clamoribus anser?

Et puros super involitans raucedine fœdâ

Parnassi latices & amœna silentia turbat?

Sed vincet (sic fata ferunt, sic astra loquuntur)

Balsacides: animique vigor, laudumque suarum

Gratia depulso melius livore nitibunt.

Ac velut Eoo cùm se novus aquore Titan

Extulit, & terris redi vivo lumine fulsit:

Invida deformi Tellus uligine fumat,

Æternamque, dies nequicquam exosa serenos,

Cogitat oppresso noctem producere Sole:

Ille suum securus iter, per densa vaporum

Agmina, per cacos tenet inter nubila flexus,

Humentesque coquens lentis fervoribus umbras

Promicat, & victor radijs melioribus ardet.

Sic ubi puniceo primum fulgore resulsit,
 Et medio cœpit Sapientum albescere cœlo
 Balsacus, insultans effracto carcere Livor
 Nascentis decus Eloquij, Famaque recentem
 Horridus infecit piceâ fuligine lucem.
 Et diros acuens jejuna Calumnia dentes
 Precidit illustrem teneri Sermonis amictum.
 Ille nimis tersas inducto pumice chartas
 Arguit, hic multâ conditos fraude lepores;
 Alter, spes Latij tersas, Graiaque tumentes
 Rhetoricâ bullas, felicia crimina, carpit:
 Vos novo, s. tenues, & quicquid debile lingua
 Humanæ, me solens peccat recordia sortis,
 Vnguibus; immites anima, laniatis acerbis.
 Nobilis inter, creâ flexu Virtutis honesto
 Difficiles vitat, speciosa pericula, metas
 Balsacus, & Socios cursu celer anteit omnes:
 Nec volucres animi gyros infesta maligna
 (Quæ semper rabido latrat ignorantia rictu,
 Obscenos imitatur a canes) maledicta morantur.
 Plaudite, vitat it Jo, manibusque recentia plena
 Formosa laudum, artifices date lilia Musa,
 Lilia dedecorem nunquam subitura senectam.
 Vos quoque palmarum es, illustria nomina, Vates:
 Vicit Io, pulchro pugilem clarate triumpho,
 Et toto, quâ Fama volat, deducite mando.
 Ipse, licet tardos non ruis argentibus artus

Occupat, & deses celerem vetat ire Senectus,
 Ponè sequar, vestrisque comes virtutibus impar,
 Audebo tamen, & nixeis (quà feruidus aestu
 Insano fremit Oceanus, quibus ultima tellus
 Brachia portendit glacie torpentia campis)
 Victorem securus agam, per inane quadrigis.
 Quinetiam si Musa volet, gelidisque recentem
 Molliter adspirans venis infuderit aestum,
 Ignea, trans vitreum Cæli septemplex aquor,
 Templa petam, nomenque sui fulgore renidens
 Luminis, & multo perfusum Sole, supremis
 Axibus, eterno confixum adamante reponam.

Sed quid perpetuis marcent exercita morbis,
 Aëraque Languentis lætâ febre membra coquuntur?
 Desine prostratum mentis vigor ignee corpus,
 Desine defectas curis elidere vires.

Ac velut assisens humentem leniter almo
 Spiritus igne fovet, superique per ardua mundi
 Impellit celerem irrequieto turbine Lunam,
 Ora licet turpes maculent argentea navi;
 Tu quoque Balsaciden serua, taboque fluentes
 Ignea mens vegeta generoso sanguine venas,
 Nec cupidis laudum decus immortale Camænis
 Eripe, nec patrium restinguens invida Solem
 Ostrue lugubribus confusum Heliconæ tenebris.

Sic erit, & dubij post tadia longa doloris
 Balsacus, ad nitidi latices, & prata Carentæ

*Securus veniet meliore senescere Pindo,
 Et Procerum fumos, & splendida vincla, favores
 Exosus, fatâsque dolis infamibus urbes
 Extento vivet campis felicibus ævo,
 Arcolis ubi ridentes gemmantibus horti,
 Et tepidum verno semper nitet aëre cælum.
 Hic tibi divina Veneres, hic splendida Pytho,
 Et Mājora, pia, procedent Numina, Musa,
 Atque triumphali florentum adspersine laudum
 Perfundent humeros, & odoro tempora nimbo.*

*Cernis ut assurgunt, positisque securibus Artes
 Puniceos prona certant submittere fasces,
 Et sacra victrici libantes oscula dextra,
 Eloquentem Regem domito li-vore salutant?
 Ut Charites rutilum fronti diadema, tuisque
 Serta meo speciosa parant in carmine canis?
 Talibus illustrem studiis admitte triumphum,
 Et toties sacros Musarum emensus agones,
 Palmarumque saturo, (quando licet esse valenti)
 Ebria delicijs infontibus otia carpe.*

*Sed tamen interea, dum te florentia totum
 Arva tenent, & vel nemorum per amœna moratur
 Frigora, percussis illudens auribus Echo,
 Vel nitidi fallunt oculos simulacra Carenta,
 Et matutina violâsque, rosâsque metentem
 Molliter obsundunt leni clamore volucres,
 Apricos etiam Sophia meditare recessus,*

Heic

*Heic ubi sublimis folio Regina micanti
Perculsas arcana docet mysteria mentes.*

*Illa vagi denos Entis transcendere colles,
Et molli dabit anfractu, vitare reductos,
Argumentosa densum nemus artis Elenchos.
Illa dabit rerum artifices cognoscere Causas,
Naturaque vices dubias, adytisque latentis
Non adspecta prius Veri spectacula pandet.
Mox saltus ingressa novos, per florida vita
Civilis juga deducet, curvisque decentem
Moribus aptabit recta Rationis amussim.
Illa rebellantis scelerosa incendia Noxa
Desuper infusi restinguet amoris olivo;
Et juges animi motus, & pace sequestrâ,
Irrequieta mala componens pralia mentis
Tranquillo Pindi nebulas mutabit Olympo.
Heic demum sine labe senex, sine frigore canus,
Inter odoratas Graiûm, Rutulûmque papyros
Florentem, securus opum, securus honorum
Deduces nullâ fati formidine vitam,
Et saclo scelerum scopulos, astûmque timenti,
Non interstincto castorum lumine Morum
Heroæ pharomq; accendes Virtutis honorem.
O caput ! ô nostris nunquam delebile Fastis
Nomen ! & antiqua spirans Probitatis imago.
Sic tuus ad Tarnim luteâ contage rubentem
Aprico recubans Albani Montis in antro*

*Auspice te, nuper sonuit Maynarde Theronus.
 Ac velut argutos anser strepit inter olores,
 Hac quoque, nobilibus temerè congressa Camænis,
 Musa senex rauco cecinit malâ carmina cornu.
 Sed veniam, pulchrum facinus confessa, meretur,
 Scilicet imperio Virtutem ornare rogantis,
 Peccavit delusa tuo, tu criminis autor,
 Stultiitiæque duces, mendacia blanda fuistis.'*

*Illâ quidem defixa toro, cùm febre malignâ
 Vitalem coquerent inimica incendia succum,
 Auratam chelyn, & citbaras abjecerat omnes,
 Certa salutarî morbum expugnare quiete.
 Tu contrâ dociles ad cantum intendere nervos,
 Et tardum celeres numeros audere jubebas.
 Paruit, & grandem fidibus depressit amicum,
 Obscuroque novum persundens lumine Solem
 Illustrem culpâ ingenij detrivit Amyntam.*

*Quid fonti facias? aut laui pumice navos,
 Et gravia errantis castiga crimina charta,
 Aut unâ maculas omnes absterge liturâ.*





INSCRIPTIONES VARIÆ.

IN STATVAM EQVESTREM
CHRISTIANISSIMO REGI
LVDOVICO XIII.
IVSTO, INVICTO BELLATORI,
ET TRIVMPHATORI
semper-Augusto.

*AB EMINENTISSIMO CARDINALI
ARMANDO DVCE DE RICHELIEV
in foro Regio positam.*

Quod Bellator Hydros pacem spirare rebelles,
Deplumes trepidare Aquilas, mitescere Pardos,
Et depressa jugo submittere colla Leones
Despectat Lodoicus equo sublimis ahenos:
Non digiti, non artifices finxere camini;
Sed Virtus, & plena Deo Fortuna peregit.
ARMANDVS vindex Fidei, Pacisq; sequester
Augustum curavit opus; populisque verendam
Regali voluit Statuam consurgere Circo:
Vi post Civilis depulsa pericula belli,
Et circum domitos armis felicibus hosteis,
Æternum dominâ Lodoicus in Vrbe triumphet.

APES BARBERINÆ.

S. D. N.

VRBANO VIII, P. M.

PARENTI LITERARVM,

& Pacis Assertori.

EPIGRAMMA.

Sedula floriferis APIS undique saltibus errat,
 Ut sua de Florum nectare mella legat.
 Sed neque supremas Olearum insistere frondes,
 Nec calicem pandi sugere floris amat.
 Felices VRBANE tua, qua mella salutis,
 Quisquis opem populus poscit, ubique ferunt.
 Nec doctis tamen avertunt se Palladis hortis,
 Et succo liquida Pacis aluntur APES.

IN EFFIGIEM

ILLVSTRISSIMI, ERVDITISSIMIQUE PRÆSVLIS,
 D. CAROLI DE NOAILLES,
 S. FLORI EPISCOPI, BIBLIOTHECÆ
 Domus Professæ Tolosanæ Soc. IESV.
 Beneficentissimi Instauratoris.

IN tabulâ casti Majestas emicat oris:
 Ingenij latet effigies augusta: sedisti
 Quos dedit, & quorum veneres, & grandia sensa
 Vnus habet, muto LIBRI sermone loquuntur.

 PORTVS AGATHENSIS.

FErveat, & diram crebris infame procellis
 Perniciem mare ferali stridore minetur :
 Securi tamen huc proras obvertite Nauta :
 Ecce sinum vobis aperit, ratibusque fidelem
 Ostentat procul infido super aquore Portum
 RICHELIVS, surdis auditum Nomen abyssis.

 ARCIS PERPINIANENSIS.

HEc sublime canit, superaque ex arce Leonem
 Fmmani terret vocis formidine Gallus :
 Et somnos Hispanæ tuos, & inania vota,
 Et studium augendi nunquam exsaturabile turbat.

 TEMPLI MONTALBANENSIS
 INSIGNI REGIS CHRISTIANISSIMI
 LVDOVICI IVSTI MVNIFICENTIA
 IN PRISTINVM SPLENDORIS ANTIQVI
 statum feliciter restituti.

ÆMula Calituum simulachra, Deiq; capacem
 Insani furor Erroris, dejecerat Ædem;
 Et Regem infandis nuper violaverat ausis.
 Aurea nunc sine nube dies, sine labe recurrit;
 Quâ placidè sacris cælo deducta sereno
 Exul Relligio, Christusque reponitur aris,
 Et totus domitâ regnat LODOICVS in Vrbe.



COLLEGII TOLOSANI SOC. IESV.

H*Anc Capitolini Proceres, Autore Senatu,
Virtuti, Musisque dicant feliciter Ædem,
Auspicijs H E N R I C E tuis : & limine primo,
Hinc belli Lauros, hinc longa Pacis Olivas,
Fortuna monumenta tua immortalia ponunt.*

COLLEGII MONTALBANENSIS SOC. IESV,
POST INITAM CVM ACADEMICIS
Professoribus heterodoxis
Concordiam.

I*Te procul dira, fraudum seges improba, Rixa
Nec parteis odio memori turbate quietas,
Aurea Pax votis deducta potentibus, alio
Venit, & adversas, aditu feliciter uno,
Ampla salutiferum pratendens lanua Nomen
Excipit augusta Virtutis in atria Musas.*

SCHOLÆ PHILOSOPHICÆ.

H*Eic, ubi doctarum dubio certamine vocum,
Insontem juvenes agitât sine sanguine pugnam,
Et bellum civile movent, Sapientia Vero
Militat, & caeso victrix Errore triumphat.*




PONTIS TOLOSANI.

Quod secat attonitum moles operosa Garumnæ,
 Et semper-refluis exundans mercibus, almam
 Externis opibus mergit feliciter Urbem,
 Muneris est LODOICE tui, qui grandia tanti
 Molimenta operis lento surgentia nisu,
 Auspicijs celerare tuis, vigilésque labori
 Octoviros instare jubes, urgere Senatum,
 Et conspirantes Moderantùm intendere curas :
 Ut iustis quasita diu Pax aurea bellis,
 Et qua laxatas, duce te, divertet in ades,
 Vberius strato veniens Opulentia Ponte,
 Palladium cumulent AVRO FELICE Tolosam.

PRÆSIDALIS CVRIÆ Ruthenensis.

Dum plebis furor, & scelerum vesana libido,
 Discordeis lacerant immansi strage Ruthenas,
 Oppresseque iacent media inter crimina leges :
 Extorrem IVSTVS cælo revocavit, & istâ
 Justitiam regnare jubet LODOICVS in Aulâ.



AD MVSEVM MAYNARDI
PRÆSIDIS.

MAYNARDVS Franci non Vltimus
incola Pindi,
Musarumque vetus pariter, Themidisque Sacerdos,
Iactatus dubijs malefida fluctibus Aula,
Elapsusque Foro, studys melioribus, istâ
Jam senior curas animi statione locavi:
Et Satyra dumos, & Amorum lustra perosus,
Dira tibi docileis Voveo Sapientia canos.

MVSEVM INTERIVS.

DVm fera barbaries, bellique insania Francos
Asperat, & Fraudes mediâ dominantur in Aulâ:
Vilibus errabat mœrens Sapientia pagis,
Et trepida terris ibant absistere Musa:
Sed veteres cætu tenuit MAYNARDVS amicas,
Illicibusque suas numeris induxit in ades,
Antiquis ubi secura dicta aurea carpunt,
Et flores, & mella metunt stillantia Libris,
Vi lentis aterna parent miracula Prælis.

CHARISSIMO

CHARISSIMO SODALI,
 P. IOANNI BESSONO SOC. IESV
 PRESBYTERO, ERVDITO CANTICI
 CANTICORVM INTERPRETI, ET ARCANORVM
 Oeconomiae diuinæ Myſteriorum
 Epoptæ clariffimo.

Diuina Charites, ſupera formoſa Sionis
 Numina, qua rapido ſtatis ſuper aethere Mētes,
 Velataque pedes alis, faciēmq; coruſcis,
 Ante DEVM intentis vigiles aſſiſtitis ore:
 Huc etiam noſtris oculos diuina tuentes,
 Et curas animi faciles obuertite Sacris:
 Vt caſtos, puri ſclerum Salomonis amores,
 Connubiumque Dei calebs, uterūmq; tumentem
 Virginis, & ſatā florentem in Matre pudorem
 Dulcibus arcana lucis videatis in umbris,
 Beſſonumque ducem pedibus numerisq; ſecuta,
 Antiquum, fidibusq; novis, plectroque recenti
 Carmen, & ignotas vobis tot ſacula voces,
 Oſcula, poma, choros, Hymenae Hymenae canatis.
 Hoc duce, ſurgentem thalamo, cæloque micantem
 Solemni dabitur Sponſum deducere pompā:
 Et qua purpureo procedit culta feretro,
 Nubentis Domina lateri propioribus eſſe,
 Languentiq; animam myrrhā pomisq; fovere.
 Ille novos Superūm ritus, noua ſacra docebit,
 Infuſoque piam completus lumine mentem:

R

*Non aspecta prius Fati penetralia pandet,
Virginisq; thoris objecta aulaa reducet.*

*Ille resignati speciosa anigmata solvet
Codicis, & claro, nullis effabile linguis
Fœdus, & infantis clamosa silentia Verbi,
Vagitumque senis pueri sermone loquetur.*

*Ille novos aditu molli deducet in hortos,
Carpere secundam media inter lilia nardum :
Et stacten, humilemque crocum, malosque proceras ,
Mirari, stantemque Crucis sub stipite Palmam:
Heic ubi ferali vitam succumbere letho,
Et mœrere DEVM Genitrix oppressa molestò,
Non depressa tamen, curarum pondere vidit.*

*Ille, Dei veteres hominem quarentis amores,
Illustresque dolos, & qua pretiosa decoris
Sordibus incescit Sponsi felicitis Egestas
Proferet, & Sanctos aterna Virginis ignes ,
Fecundâsque nives, & fœti lilia ventris ,
Ardua cunctorum artificis miracula dextra,
Attonitis spectare dabit, sponsumque fidelis
Interpres vero Salomonem in lumine ponet.*

*Vos quoque tam charo capiti, castique magistro
Carminis, aterna Vigiles, si candida morum
Simplicitas, doctaque iuvant consulta papyri,
Custodem, officij memores, imperdite curam.
Bellosum servate diu, semperque recentem
Iugiter in fœtu patris date vivere Famam.*

ARISTOTELIS ETHICA

IN GALLICVM SERMONEM

CONVERSA OPERA ET STUDIO

Viri Clarissimi Catelli

Senatoris Tolofani.

Quas veterū supremus apex, fidusq; Sophorum,
Doctarū argutis Rationum asperferat umbris
Virtutis, Morūque vias; illustris amœnâ
Sermonis patrij perfudit luce **CATELLUS**.
Hoc melius, quod civilis moderamine vita,
Vestrosi bullas phalerataque verba Lycei
Anteis, & factis Doctrinam ingentibus implet.

EPITAPHIA:





EPICEDIVM
IVSSV ILLVSTRISSIMI ET REVERENDISSIMI
D. CAROLI DE MONTCHAL,
ARCHIEPISCOPI TOLOSANI
compositum

EMINENTISSIMO
CARDINALI LVDOVICO
DE
LAVALETTE.

Quem formosa procul Rheno, Sabique serentem
Lilia sublimi nuper Victoria curru
Vexerat, & summas venienti straverat Alpes,
Exiguo tegitur Magnus VALETA Sepulchro.
Sed latè spirant Cineres, fatòque superstes
Spargit odoratam Virtutum gloria Famam.

Stat super, ardentique micans Sapientia cocco
Lachrymat, & mixto tumulum perfundit amomo.
Serta parant busto Charites, Manèsq; beatos,
Ossaque securis onerant illustria Palmis.
Dum Generis Titulos veteres, serièmq; paterni,
Fuxeosque Atavos, Staracque insignia Gentis,
Et nunquam moritura, brevis miracula Vita,
Incidunt memores ferali in marmore Muse,
Et muta citharas tumulo, calamòsq; reponunt.



ILLVSTRISSIMI ET REVERENDISSIMI
BARTHOLOMÆI DE DONADIEV,
CONVENARVM EPISCOPI,

C O R.

COR vigil, & nulli scelerum penetrabile telo,
Dum tenuem traheret malefano in corpore
vitam,

Felici Divinus Amor fornace coquebat:
Nunc post fata redux cælo se flamma recepit,
Et solos urnâ cineres abitura reliquit.

VISCERA.

VISCERA qua jugis, dum vita manebat, acuto
Torquebat populorum inopum miseratio sensu,
Et dirè pereuntum Animarum cura secabat;
Molliter heïc deposita jacent, dum suscitet olim
Vitalique DEVS spirantia lumine pascat.

C O R P V S.

Quem neque vis morbi cælo meliore salutem
Quarere, nec vita fugientis cura coegit,
Dilectis oculos vigiles avertere caulis;
Nunc etiam summâ post mortem conditus Æde,
Æternum medio residebit Pastor Ovili.



A N N O S Æ V V L P I S

COMBEFANI

R V R I S A M O E N I S S I M I,

PRÆDIORVMQVE VICINORVM

FAMOSÆ PRÆDATRICIS

EPITAPHIVM IOCVLARE.

F*elix sorte tua Vulpes, cui sacra decoram
 Intulit illustri vulnere dextra necem.
 At tu vicinos latè grassata per agros,
 Debueras fato deteriore mori;
 Digna canum rabido permitti prada furori,
 Aut epulum corvis, vulturibusque dari:
 Sed Fortuna tibi, scelerum patrona, pepercit,
 Et facili fontem clade perire tulit,
 Ut docto trajecta caput damnabile plumbo,
 Et Nemese sacra victima caesa manu,
 Quid Pietas, ultrix, ludensque Scientia possit,
 Et lassata libris dextera, morte probes:*

S 2

VIR NOBILIS
 IDEM ET SACERDOS ERVDITVS
 D. de Lamivoy feram nequissimam occidit.
 ALTILIS COMBEFANÆ CORTIS
 familia metu soluta, Risui ludos fecit.
 VICINIA LIBERATA PLAVSV
 dedit.
 POETA DE VIA RECREATVS APPLAVSIT,
 & lessum hunc nœniâque festivam
 composuit.
 SINGVLARE BONÆ MENTIS, ET
 eximiae adversus amicum rurestris inopiae
 depulsores, benevolentiae
 MONVMENTVM.



DELPHINES

DELPHIN
CORONATUS.

AD AVGVSTISSIMVM PRINCIPEM

LVDOVICVM,

CHRISTIANISSIMI
REGIS

HENRICI IV. FILIVM,
Viennensium Delphinum.

OPVS IAM EDITVM ANTE ANNOS XL.
Et iussu Regis HENRICI Magni

A MOTINO NOBILISSIMO POETA
in Gallicum è Latino conversum.



NVNC ETIAM RECENS AB AVTHORE
pluribus locis interpolatum.



AUGUSTISSIMO
PRINCIPI

LVDOVICO,
CHRISTIANISSIMI REGIS
Henrici Magni Filio.

EPIGRAMMA.

P*Princeps augusti fortunatissime Regni,
Cui vestit tenerum laurus honesta caput,
Accipe, Castalijs tibi quos Delphinas in undis
Cepimus, Et placido, si vacat, ore vide.
Accipe, Pierio tibi quas in monte Coronas
Legimus, artificum texuimusque manu.
Nec sine tantarum Delphinas in aquore laudum
Quas tua promittit vita futura mori:
Nec virides usquam senio marcere Coronas.
Et solvi capitiserta parata tuo.
Sed tecum procul extento fac vivere seculo
Carmina, Vitalis quæ tibi Musa dicat.*



DELPHINES



Vo me Nereides, maris
 Æstus indocilem pati,
 Infidi super ardua,
 Ponti dorſa vocatis ?

In quæ ſaxa perennibus
 Spumis ſqualida ducitis ?
 In quæ me ſacra neſcium
 Inſolentia fertis ?

O frondes Heliconiæ !
 O fontis Clarij liquor !
 O Muſæ tenues, mea
 Quondam cura, valete !

Me dites aliô vocant,
 Ponti Numina, Naiades ;
 Et veſtras mihi nobili
 Mutant Torque Coronas,
 Et myrtos, adamantibus,
 Et gemmis, hederæ comas,
 Et marcentia, fulgidis
 Pindi poma, Pyropis

En ut squammiferos mihi
 Gens Neptunia Pegasos,
 Qui super liquidi vehent
 Ponti cœrula, frænant.

Agnosco pecus, & sacros
 Neptuni Patris alites,
 Et simum caput, & leves
 Super fulmina pinnas.

Salvete ô fluitantium
 Formosi Proceres gregum,
 Quos dulci saturant mero,
 Splendidoque decentes

Nymphæ murice vestiunt,
 Vt cursu celeri suos,
 Papyrisque fidelibus,
 Nuncietis amores.

Salvete, & timidum, Italæ
 Molliti fidibus lyræ,
 Toto, quâ volet, æquore
 Circumferte Poëtam.

Et vobis ego carmina,
 Amici memor obsequi,
 Vecturæ pretium dabo:
 Igneumque, decoro

Lyræ nobilis effedo,
 Deducam super æthera;
 Donec lucida versibus
 Inter astra reponam.

Poëtis

Poëtis etiam vêtus

Cum Delphinibus est amor;

Et vestras nitidi capit

Lepor carminis aures.

Sic tergo facili pium

Excepistis Arionem,

Cùm mortem reduci truces

Minarentur acerbam

Turba perfida, Nautæ;

Et diras sceleri manus,

Infanóque cupidini

Ferrum immite pararent.

Plectro dives eburneo
Ibas Lesbos, & inclytâ

Partas arte pecunias,

Aureosque lebetes,

Et formosâ tapetia,

Docti præmia carminis,

Lætus in patrios Lares,

Gravi nave ferebas.

Iam longè tibi lineæ

Lenes impulerant Noti,

Et felix placido procul

Ibat æquore navis:

Cum circumfletit, ah feris
 Gens magis fera fluctibus,
 Mandavitque capacibus
 Aurum promere thecis,

Aut ferro jugulum dare.

Dij, quorum imperium est mari,
 Talem avertite, Dij quibus
 Cordi carmina, pestem.

Quid vates faceret miser?

Quâ fatum prece flecteret?
 Et pulsaret inanibus
 Surda sidera votis?

Surgit ocyus, & ferum

Verbis increpitam scelus,
 Non me vestra minacibus
 Ora ardentia flammis,

Non terrent glacialibus.

Corda horrentia cautibus.

„Virtus in medijs freti.

„Stat secura procellis.

„Nec puræ sceleris reas.

„Secures animæ timent.

Sævite, & furialibus

Ferrum stringite dextris.

Nil lethum moror, impijs

Præbebo caput ensibus,

Vt diris placidè cadam

Volens hostia Parcis.

Hoc tantum liceat, suam
 Vati tendere barbiton,
 Et brevi miserabilem
 Planctu claudere vitam.
 Dixit, & niveum sacris
 Caput frondibus induens,
 Argutas eboris fides
 Plectro tangere cœpit:
 Quales deficiens olor
 Cantus, dum moritur, gemit;
 Et vitam simul, & sonum
 Vno gutture fundit.
 Tales ad ciuharam senex
 Arion cecinit modos:
 Et surdos lacrymabili
 Mulsit carmine fluctus.
 Nec vobis tamen, impij,
 Pectus carmine mollijt:
 Vatem, & attonitas chelyn
 Impulistis in undas,
 At vos parcite naufrago
 Delphinum Proceres Seni;
 Et, si quis pudor, hospiti
 Mites este Poëtæ.
 Sic erit. placidus, pium
 Vati supposuit caput
 Delphin, atque oneri volens
 Se subiecit amico.

Vides, ut trepido procul
 Securum vehit æquore ;
 Vt tutum novus occupat
 Vatum Navita portum ;
 Vt charum Superis caput
 Lesbi finibus abijcit ,
 Et ditem, patriâ domo,
 Prædijsque reponit ?

Illi pernicialibus
 Taram, & Telemachum vadis ,
 Et lapsum medio mari
 Servavere Phalantum.

Nec vero placidum minor
 Cura sollicitat pecus,
 Quot tellus habet, arduis
 • Opem ferre periclis.

Nam Pœnæ scopulis, reos,
 Clamosique tumentibus,
 Vadis eripiunt Fori,
 Litiumque procellis.

Sculptos scilicet aureis
 Delphinos habuit thronis,
 Tribunal venialibus
 Favorabile noxis.

Hoc primum pavidus stetit,
 Et divûm monitu, reus
 Fusi sanguinis ausus est
 Causam dicere Theseus.

Ex illo quoties datum
 Letho, forte fatebitur,
 Quem virum reus optimo
 Cæsum jure tuetur.

Ad Delphinia Cecropis
 Rostra provocet; ut datâ
 Securum caput efferat
 Insons culpa salute.

Sic sali simul, & soli
 Servant æquore naufragos,
 Et Quietis amabili
 Tutos littore sistunt.

O rebus dubijs amans
 Humani generis pecus!
 Vos cum fervida turbidi
 Coquunt prælia cauri:

Aduersisque sonantia
 Ventis littore mugiunt,
 Et cæcis hyemem ferens
 Nubes incubat vndis,

Instantis datis ocyus
 Signa nuncia turbinis:
 Nam simul tremulo tumens
 Crispat æquore fluctus;

Delphines super arduos
 Saltu se volucris ferunt
 Malos, & dubio leves
 Ludunt æquore pugnâs.

Lentos protinus excitat
 Rector Navita remiges,
 Contos expedit, explicat
 Ponè transtra rudentes,
 Ne mortem veritus sacrâ
 Spem reponat in anchorâ
 Sed constans animi, trucem
 Frangat arte procellam :
 Præfagoque monentium
 Doctus omine piscium ,
 Victrici Domitor maris
 Portum nave capeffat.
 Nec verò domitis perit
 Facti gratia fluctibus,
 Agnoscunt memores datam
 Gens ingrata salutem.
 Parcunt ; nec sua mitibus
 Tendunt retia piscibus ,
 Nec captos auidi suis
 Ponunt fercula mensis.
 Infestum mare sentiet ,
 Qui feralibus impium,
 Obscœnæ stimulo famis,
 Dentem fixerit escis.
 Nam vel plurima noxium
 Inter millia seligent ;
 Vel scelestiveham vago
 Mergent æquore navem.

Sed frustrabere, qui cato
 Paras perniciem gregi;
 Et dolos, & inanibus
 Tendis retia curis.

Nam nulla aut pelago natat,
 Aut solo graditur fera,
 Seu prænoscere certior,
 Seu prævertere fraudes.

Delphinem semel expedi
 Nexis implicitum plagis:
 Vitat claustra, nec amplius
 Villo casse tenetur.

At vos, Stagnicolas quibus
 Venari Céphalos placet,
 Ad prædam socios quater
 Invoke Simones:

Vobis protinus exciti
 Delphinum venient duces,
 Et crebros cava Mugiles
 Intra retia cogent.

Quæ gens nescit Ionios,
 Et dictos Lybico mari,
 Et Græcos, & Iasios
 Non audivit amores?

Fortè cùm rabidæ furit
 Atrox hora Caniculæ,
 Et marcentia fervido
 Torret arva latratu:

Ad littus subiit comâ
 Formosus puer aureâ,
 Et calentibus, igneum
 Vt restinguat amœno
 Vndæ frigore Sirium;
 Membra lactea vestibus
 Aestu torridus exuit,
 Deijcitque profundo,
 Quâ ventus filet, æquore :
 Mox terram fugit, & procul
 Adductis fluitantia
 Secat marmora palmis.
 Delphin cæruleo videt
 Natantes pelago nives,
 Et pulchro nitidæ stupet
 Captus lumine formæ.
 Miratur veneros, sinu
 Quæ ludunt in eburneo,
 Et quibus roseæ micat
 Frontis gratia, flores :
 Miratur caput aureum,
 Acerbisque Cupidinis
 Succis ebrius, algidâ
 Totus ardet in vndâ :
 Nec cessat tamen, illicem
 Pernix ad puerum volat,
 Et blando parat ocyus
 Se supponere mento.

Certe

Certè principio feram,
 Amorum rudis, horruit,
 Et tutam celeri fugâ
 Cæpit quærere ripam.
 Quò te candide proripis
 Illustrem fugiens procum ?
 Non informia te maris
 Sæui monstra sequuntur :
 Sed mitis fera, quam vagi
 Neptunus maris arbiter,
 Quam vasti virides amant
 Ponti Numina Nymphæ.
 Aude sistere, nec procum
 Sperne pulcher amabilem ;
 Admitte, & tumidos novo
 Fluctus frange phaselo.
 Vides ut placido sedet,
 Nil æstum veritus puer
 In Delphine, nec horridi
 Pallet murmura Ponti.
 Vides ut liquido precul
 Lætus ludit in æquore ;
 Vt beatus amabili
 Gaudet pondere Delphin.
 O amor novus ! ô novum,
 O par nobile amantium !
 Non est qui liquidos malè
 Vobis turbet amores.

Infido tamen, ah cave
 Inniti puer effedo ;
 Nam pisces latus asperâ
 Horret vndique pinnâ,
 Quæ lato tibi, ni sapias ,
 Rumpet inguina vulnere,
 Et molles eadem ferâ
 Morte rumpet amores.
 O sortem nimis asperam !
 Infelix nimium puer !
 Tali ten' decuit brevem
 Vitam claudere fato ?
 Saltem frigida littori
 Veni membra reponere
 Delphin, & patrio rigens
 Corpus redde sepulchro.
 Ut totum rubeo videt
 Foedari mare sanguine ,
 Et diram Pueri novo
 Sensit pondere cladem.
 Ah ! dolet miser, & scelus
 Vlcisci parat innocens,
 Mori destinatus, & pari
 Mortem solvere morte.
 Ergo remigio citus
 Ad ripam celeri volat,
 Et moerens lacrymabilem
 Terrâ ponit amicum.

Quin & cœruleo salit
 Amens æquore, flebilem
 Ut solvat puero, rudi
 Stridens murmure lessum.
 Nec mœsto satis est, reum
 Ad cædem jugulum parat;
 Ut se victima Vindictæ
 Volens sistat Amori.
 Ex illo, positis novos
 Cultus obtinet ædibus,
 Et sacris Amor aliger
 Stat sublimis in Aris.
 Cui piscem manus altera,
 Candens altera Liliū,
 Quod tellure quod æquore
 Vincat omnia, præfert.
 Delphinas catus aureo
 Vlysses clypeo tulit;
 Illustris fuit Herculi,
 Signum nobile, Delphin.
 Vos Augustus, & imperi
 Hæres Tiberius suis,
 Et Vitellius aureos
 Impressere monetis.
 Vobis Isthmia Doricis
 Luduntur Sacra curribus
 Servatîque Palæmonis
 Dependuntur honores.

Vos, & pulveris aureos
 Meta habebat Olympice
 Vos, & Flaminius radi
 Sectos marmore Circus.
 At te quid memorem sacris
 Mitem Coerane piscibus?
 Tu captos emere, & datâ
 Libertate, solebas
 Mari reddere patrio,
 O factum bene! prodigâ
 Delphini quoque gratiam
 Largitate rependent.
 Nam cum quassa furentibus
 Ad littus Parium Notis,
 Tumentem hauriet hinc & hinc
 Navis undique pontum;
 Te sævo eripient mari,
 Et, quâ Dulichiaë iacet
 Zacynthi specus, arduo
 Tutum littore sistent.
 Quin & Coeranijs dabis
 Nomen nobile fluctibus:
 Cum vero tibi ferrea
 Vitam abruperit hora,
 Frequentes aderunt pio
 Iusta solvere funeri,
 Et respergere pinum
 Vivo flumine bustum.

Sed

Sed quid funereos procul
 Delphinum video choros,
 Et mœstos lacrymantium
 Sonos audio vocum ?
 Ah letho datus ! ô dolor !
 Effertur pueris pater :
 Delphines sua mortuo
 Solvunt iusta parenti.
 En ut flebile littori
 Corpus ad tumulum ferunt :
 Tu siste, & tenuem iniice
 O viator arenam :
 Hoc tantum, geminos prius
 Dentes deme cadaveri ;
 Cum proles tua dentiet,
 Collo appende, juvabunt.
 Quin secto corium memor
 Tergo detrahe, scilicet,
 Cum te fors super ardua
 Ponti dorſa vocabit,
 Tumentem tibi de rudi
 Vtrem consue tergore :
 Ex illo, tua, quem voles
 Pellet lintea ventus.
 Sed tacete loquacia
 Vatis carmina, parcite
 Delphino tenuem gravi
 Sono rumpere somnum.

Audin' vt patulis procul
 Ronchissat fera naribus ?
 Et se , vel mediâ movet
 Inquieta quiete ?
 Nam lento, neque dormiens ,
 Delphin torpet in otio ;
 Sed graves ubi molliter
 Sopor clausit ocellos,
 Summo se statuit mari ,
 Et somnum placido capit
 Lapsus turbine, dum rudes
 Fundo tangat arenas.
 Mox lapsu vigil , arduo
 Rursum tollitur æquore ,
 Et rursum placido cadit
 Captus lumina, somno.
 Nec te cœruleum caput ,
 Nec te forma, nec asperis
 Tergum sentibus horridum ,
 Nec frons squammea fallat.
 Humanos rudibus ferunt
 In spinis animos ; fero
 Humanas, ita creditur ,
 Tegunt corpore mentes.
 Cùm puer Dionysiam
 Tyrreno peteret mari ,
 Nec quos remigibus daret
 Nummos Bacchus haberet:

Ad lyram Phrygios manu compo-
 Aptavit tenerâ modos ;
 Et gratus , facilem sacro
 Solvit carmine naulum:
 Hoc primum cecinit, quibus
 Neptunum jaculis amor
 Confixit ; latuit quibus
 Amphitrita cavernis;
 Delphinos cecinit viâ
 Amanti domino duces,
 Et tædas hymeneio
 Festas carmine dixit.
 Vix Nautæ cupidis sacrum
 Carmen auribus hauserant,
 Cùm bacchantur amabili
 Icti pectora thyrso
 Et suavem mediò mari
 Furorem madidi furunt;
 Nec truci dubitant leves
 Se demittere ponto.
 At juva , Pater , & tuos
 Serva Nisic navitas ,
 Nec sævos miseris sine
 Vitam extinguere fluctus.
 Sic fuit. Bromius viris
 Delphinum speciem dedit ;
 Mutavitque volucris
 Tarda brachia pinnis.

Et squamis caput, & genas,
 Et dorsum viridantibus
 Asperavit, & incitâ
 Costas vestijt alâ.
 Ex illo, celeres vago
 Delphines volitant mari,
 Et toto cupidi suam
 Quærunt æquore navem.
 Nec prius sonuit foris
 Vox audita frequentibus,
 Quàm festos agitent leves
 Circùm rostra choreas,
 Et dulces avidis bibant
 Cantus auribus, & suam,
 Sic putant, avidi ratem
 Usque & usque sequantur.
 Vides vt placide choris
 Convenère decentibus:
 Et nostri quoque carminis
 Audivere leporem?
 Sed quid, quod medijs micat
 Delphinum legionibus.
 Coronatus, & aurea
 Præfert Lilia Delphin?
 Agnosco procul imperi
 Signa candida Francici,
 Stellatamque adamantibus,
 Pyropisque Coronant.

O Francis

O Francis vigilantia
 Cœli sidera Lilijs!
 O felicia serico
 Ducta sæcula filo!

Ergo candidulum pio
 Delphinum peperit Patri
 Tusca Nereis, & novâ
 Regnum prole beavit.
 Ergo Borbonidem tulit
 Augustâ Puerum domo;
 Quâ pellucida regij
 Fontis volvitur unda.

Ergo consilio D E V M
 Tethys Itala, Regiam
 Henrico sobolem dedit,
 Galliæque parentem.
 Salve candide Francisci
 Delphin æquoris, aureas
 Sis feliciter ortus in
 Almi luminis oras.

Tu quondam, pucro simul
 Ætas creverit, æquora
 Felici moderaberis
 Gallicana tridente.

Tu pro gente, ferocibus
 Indices sacra prælia,
 Seu turbant pelago leves,
 Seu tellure, Britannis.

Hispanóque minacia
 Franges cornua militi,
 Seu te, seu socialia
 Ferox arma laceffit.

Sic Delphin, placidum pecus,
 Audet pro-catulis mori,
 Nec venabula ferrea
 Fuscinaeque pavescit.

Tu potens, Othomanibus
 Cædes terga fugacibus,
 Et sædabis Ionias
 Turco sanguine ripas.

Sic passim, medio mari
 Gentem squamiferam ferox
 Delphin mactat, & horridâ
 Miscet æquora clade.

Tu curru celer incito
 Nunc in Africa, nobiles,
 Nunc in littora proferes
 Palæstina triumphos:
 Nunc Indum meditaberis,
 Nunc movebis in Armenos,
 Nunc victor medijs feres
 Pulchra Lilia Parthis.

Sic Delphin celer, omnibus
 Memento volitat fretis,
 Nunc hos, nunc alios secat
 Pinnâ præpete fluctus,

Tu fortes facili senex
 Francos imperio reges;
 Et quò laurigeræ vocant
 Pacis otia, duces.

Sic vasto catulos vigil
 Comes prosequitur mari
 Delphin, nec patitur vago
 Solos ire profundo.

Tu post prælia, musicâ
 Tractabis citharam manu,
 Et Musis, & Apollini
 Esse carus amabis.

Sic muto lepidæ placent
 Delphinum generi fides,
 Et Pandionias amant
 Dorso ferre volucres.

Salvete ô liquidi leves
 Delphini maris incolæ,
 Et semper-placido dies
 Lætos vivite ponto.

Salve tu quoque Francici
 Delphin æquoris, & tuo
 Vitales face vivere
 Hos Delphinas honori.

At cum Cæsareos tibi,
 Romanus Pater, & Sacri
 Senatus Capitoli
 Destinarit honores;


Vexillis abeat biceps

Ales Imperialibus:

Et formosior in novo

Natet stemmate Delphin:





CORONÆ.

O semper-juvenes Iove
Prognatæ patre Virgines,

O formosa biverticis

Iugi Numina Musæ,

Quâ vos cumque decemplicis

Cœli parte, faventium

Felices epulæ tenent,

Choreæve Deorum:

Seu magis teneris liber

Pindi illudere floribus!

Aut vitare sub arduis

Cœli incendia fagis:

Seu doctâ fide tinnulis

Insultare volucribus;

Aut molles Heliconio

Crines fonte lavare,

Adeste, & cupido, mei

Si fors gratia carminis,

Si lyræ placuit nitor,

Duces este Poëtæ.

Et novos calathos date

Flores ubere; dum novis

Illustres paro versibus

Coronare Coronas.

Et vestris etiam vetus

Hic labor fuit otij;

Lauro implectere floreas,

Vatum præmia, Sertas.

Sed quis primus amabilem

Coronæ docuit modum?

Claravitque micantibus

Magna nomina Sertis?

Nam qui prima biverticem

Ianum dixerit, aut catum

Non aspecta Prometheus

Terris sertæ dedisse;

Coronæ pretium malo

Vates carmine deteret.

Quæ gratâ fuit omnium

Manu texta Deorum.

Certe cum crepitantibus

Crebri fulminis ictibus

Castra Iupiter in fugam

Gigantæa dedisset.

Minantésque minantibus

Montes montibus additos,

Imas Vltor in æquoris

Dejecisset abyssos.

Æternisque tumentium

Colla torva Rebellium

Vinclis, & stygio reos

Damnavisset Averno.

Illustrem, studio pari,
 Divorum agmina Principum,
 Regesta bene, vindici
 Texuere Coronam.
 Immortalibus insolens
 Ornatus placuit Deis:
 Formosæque cupidine
 Sic arsero Coronæ:
 Nusquam ut consilantium
 Frequens concio Cœlitum
 Vocato sedeat, Iovem
 Secutura Senatu:
 Nec cæcas scicitantibus
 Sortes vatibus explicent:
 Aut Regum veniant preces
 Annotare paventum;
 Rogatique nocentium
 Cladem avertere pestium
 Centeno saturâ bove
 Conviventur in arâ:
 Quin albas sacra vestiant
 Circùm tempora tænias,
 Et suis caput induant
 Immortale Coronis.
 Inde nunc viridantibus
 Gaudet tempora laureis
 Phœbus; nunc radiantibus
 Coronare Pyropis.

Inde ferta sequacibus
 Contexta ex hederis placent,
 Nec minus tibi viteæ
 Placent Bacche Coronæ.

Te Conjux Iovis, & soror
 Iuno, pampineæ juvant:
 Te frugum Dea, spiceæ
 Isidémque Coronæ.

Cypris candida tæniâ
 Sibi tempora myrtæâ:
 Pallas tempora pallidâ
 Coronabat olivâ.

Gemmato madidum Pater
 Neptunus diademate
 Ornavit caput; aureâ
 Dives Pluto Coronâ.

Vt Pomona recentibus
 Pomis tempora; sic novis
 Odoros sibi floribus
 Crines Flora coronat.

Olivaſter Olympicus
 Victori placet Herculi,
 Vel nexæ ex apio placent,
 Populove Coronæ.

Vos micantia floridi
 Veris dona, Heliconides,
 Et ſtellata rubentibus
 Roſis ferta coronant.

Sed

Sed quò Pompa precantium
 Victimaria supplicum
 Procedit, redolentibus
 Infulata Coronis ?

Quò se linigerùm pij
 Ferunt Sacrificùm chori,
 Cincti tempora laureis,
 Cincti colla Corollis ?

Sed quò ducitur aureis
 Decens hostia tænijs?
 Quid circùm nitidis micat
 Pinguis ara Coronis ?

Ad magnos adeunt Deos,
 Vt pacem, & veniam petant,
 Et voti meritum in suis,
 Ponunt, spemque Coronis.

Tantum mundi-potentibus
 Charæ Cœlitibus placent,
 Et dant supplicibus, Deo
 Gratis esse Coronæ.

Cum Pandora epulantium
 Mensâ divite Cœlitum
 Non postrema recumberet,
 Omnibûsque micaret

Collatis opibus Deûm,
 Convivis neque dum tamen
 Tot venusta decoribus
 Sat Pandora placeret. —

Vos crinem Charites rosis
 Coronastis olentibus,
 Vt mundo decus adderet,
 Gratiámque Corona.

Sic, cùm nec Superis satis
 Placerent sua munera;
 Gratiósa dedit decus,
 Et placere Corona.

At te quis tacitam sinat,
 Quæ Christi venerabile
 Punxisti caput horridò
 Texta vepre Corona?

Sed profana file, neque
 Tantorum rea criminum,
 Illotis manibus sacram
 Tracta Musa Coronam.

Olim, cùm tibi purior
 Flamma fulserit, inclytam
 Pulchro lumine fas erit
 Illustrare Coronam.

Nunc ista ad cituma evocant
 Te solemnia Principum
 Serta sceptripotentium,
 Victórúmque Coronæ.

Terrarum dominis caput
 Candens fascia Regibus
 Nupsit; post, etiam aureas
 Admisere Coronas.

Et quos Romapotens, Patrum
 Consulto sapientium,
 Reges sciuerat, auream
 Dabat ferre Coronam.
 Sive clarus Olympia,
 Sive Pythia vicerat;
 Seu pares Nemeâ pugil,
 Seu dejecerat Isthmo,
 Sertis tempora frondeis,
 Gloriæque perennibus
 Ornabat patriam domum,
 Patriamque Coronis.
 Nec caput modò frondibus
 Plaudens Pisa, sed & suâ
 Victrices pugilum manus
 Coronabat Olivâ.
 Qui rem cumque Quiritium
 Forti milite gesserat,
 Famosasque subegerat
 Cæsis hostibus urbes:
 Circum tempora laurê
 Cingebatur adurê;
 Micabâque vigentibus
 Vrbs effusa Coronis.
 Servato, meruit salus
 Civi præstita, Civicam;
 Rostratam ratis hostium
 Primùm ascensâ Coronam.

Suas, qui prior hosticos
Expugnaverat aggeres,
Aut muros superaverat,
Induere Coronas.

Qui Dux obsidantium
Castra averterat agminum,
Clarus gramineam tulit
Pexo crine Coronam.

Qui felicia deditis
Bella gesserat hostibus,
Et victos sine sanguine
Subjugarat, Ovalem.

Turbis arma crepantibus,
Galli tempora mollibus,
Et fusas humeris comas
Adstrinxere Coronis.

Cum Spartana nitentibus
Pubes horrida spiculis,
Refixisque micantia
Irent agmina signis:

Matrum turba canentium,
Inter oscula, fortibus
Ingentes animæ, dabant
Scuta grandia natis.

Miscentes muliebribus
Verba hæc mascula basijs,
Aut istud refer, aut super
Isto, Nate refertor.

Illi talibus inciti,
 Cingebant viridantibus,
 Certi vincere, tempora,
 Cassidemque Coronis.

Prælagisque canoribus,
 Victorum similes, suos
 Ornabant, & adorcis,
 Ante bella, triumphos.

Quem fors cumque calentibus
 Strategum dederat scyphis;
 Florentem tulit ebria
 Inter prælia Sertam.

Festas conjugijs, rosæ,
 Verbenæque, & olentibus
 Myrtus mixta sisymbrijs
 Suffecere Coronas.

Coronam tulit, unius
 Quæ post funera conjugis,
 Infido verita est ratem
 Rursus credere ponto.

Post amica rhapsmata,
 Novis Roma Quiritibus
 Gratam cum Pileo dedit,
 Prætextâque, Coronam.

Vitâ cassa cadavera
 Mœsto funeris ambitu,
 Coronata madentibus
 Extulere feretris.

Impexum viridi Lacon
 Crinem cinxit arundine:
 Et Carem, & Samium salix
 Amerina coronat.

Potentes opibus Macæ,
 Et felix Arabum genus,
 De comâ, sibi pendulas
 Totondere Coronas.

Quantum est undique gentium
 Terræ terga terentium,
 Nullæ non sibi flexiles
 Texuere Coronas.

Quis vero aut hominum, aut Deum,
 Non amet viridantibus
 Circùm tempora molliter
 Inumbrare Coronis?

Cum toto nihil uspiam
 Exstet orbis in ambitu,
 Non insigne decentibus
 Vndequaque Coronis.

Cœli (quâ sibi fulgida
 Dij fodere palatia)
 Totum hoc Omne decemplici
 Sepivere Coronâ.

Cœlos aurimicantibus,
 Cum surgens creperam nigris
 Nox alis operit diem,
 Cingunt Astra Coronis.

Flammis aëra mitibus

Aether; Oceanum vagis

Aër spiritibus; Mare

Terram humore coronat.

Urbes, gloria turrium,

Firmitasque frequentium;

Et gratâ pueri domum

Venustate coronant.

At te candida, gentibus

Fœta belli-potentibus;

O Clarissima fortium

Altrix Gallia Regum;

Hinc utrinque sonantibus

Coronat mare fluctibus;

Hinc Alpina iuga, hinc iuga

Pyrenæa coronant:

Sed pulcher magis fortium

Coronat decor Urbium;

Et crebræ super ultimis

Regni finibus Arces.

Qualis fertur in Africis

Incessisse leonibus;

Turritâ Beræcynthia

Frontem cinctâ Coronâ:

Talis Francia, tot datis

Mater maxima Regibus;

Formosis caput Urbibus

Coronata superbit.

Eutopæ stupor, inclyti
 Regum sede Parisij,
 Et Franci caput Imperi
 Summâ in fronte renident:
 Micat proxima, quæ Iovem,
 Quæ, quondam reâ, Palladem
 Nunc verum pia, candido
 Colit Numen in Agno:
 Potens mœnibus, ambitu,
 Portis, gymnasijs, foro,
 Delubris, Capitolio,
 Senatûque Tolosa,
 Salve quæ Cincres sacros,
 Quæ nitentia Cœlitum
 Cingis semper-olentibus.
 Circum Altria fertis.
 At te regificâ, Patres
 Conscripti, sapientium
 Constantes animæ senum,
 Majestate Coronant.
 Felices, quibus incito,
 Qui Solem rotat impetu,
 Partitur sua regiz
 Deus jura Coronæ.
 Nam quicquid supero tonat
 Vindex Numen in æthere,
 Vos terris itidem genus
 In mortale potestis.

Vos

Vos nunc Pernicialibus
 Reos figitis ignibus,
 Nunc tantum Monitorijs,
 Consultisque tonatis.

Vos magnæ sola Gothiæ
 Humani regitis Ioves,
 Et Novem-populonas,
 Priscis moribus Vibes.

Vos illustria dicitis
 Cæcis jura Clientibus:
 Æternasque perennibus
 Leges scribitis ævis.

SAt plebæ & fidibus datum,
 Parce floribus, & tuis
 Musa versibus, auream
 Hic impone CORONAM,
 Cœlestem prius, igneis
 Quæ stellata nitoribus
 Surgit, fidereo, cole,
 Cum Delphine Coronam.

Fallor, an gemino novum
 Sidus lumine splenduit?
 Et nostras propius venit
 Illustrare Coronas?

Agnosco procul aureas
 Lucis Borboniæ faces,
 Et Francæ video decus,
 Nitorémque Coronæ.

Salve candida, quæ caput
 Tusco tollis ab æquore,
 Et pulchros nitido facis
 Dies ore Corona.

Salve sceptripotentium
 Augustissime Principum,
 Quem Franco tulit Ausonis
 Heroïna Quirino.

Tu fortissima Maximi
 Gesta Regis, & inclytas
 Franci Martis adores,
 Fortunamque Coronas.

Tu Delphinule Gallici
 Salutem regis imperi,
 Et sacrum nitidâ regis
 Augustale Coronâ.

Tu Regum genus, inclytos
 Gentis Borboniæ Duces,
 Et Albretia nomine,
 Et Fuxæ Coronas :

Inde & tergemina tibi
 Dum vitalia ducerent
 Parcæ stamina, triplicem
 Texuere Coronam.

Hæc Sertum tibi Gallicis
 Textum Liliolis dedit;
 Flores altera Cantabros,
 Navarræque Coronam :

Illa Cæsareâ caput
Lauro vestiet, & sacram
Romani dabit Imperi
Olim ferre Coronam.
Sic erit : tabulis Deus
Scripsit fata perennibus,
Et Cœlo parat ultimam
Inter astra Coronam.



EIDEM KALENDÆ IANVARIÆ
 IN CHRISTI IESV CIRCVMCISIONEM
 EIDYLLIVM.

IAM pulcher roseâ face
 Octavam retulit diem
 Mundo Lucifer, aureos
 Lotus æquore crines.
 Et prisco Abrahāmidūm.
 Ritu, lacteolum parat.
 Cultro sacrificus rudi
 Circumcidere Christum.
 Crebros euge Leuitidæ
 Circū incendite cereos;
 Vos cunabula serico.
 Paupertina tapete,
 Vos præsepe recentibus.
 Supersternite linteis,
 Dum sacris operabitur
 Castus ritè Sacerdos.
 Tu pulcherrima Virginum
 Mater, si placitum est, sine
 Tibi de gremio rapi
 Iusta ad sacra Puellum;
 Et suavissima sustine
 Tantillum oscula, dum pius
 Securâ peraget manu
 Munus triste Sacerdos.

Et

Et longis licet impleat
 Infans aëra questibus,
 Honestas lacrymabili
 Madens flumine malas,
 Tu ficcis oculis tamen
 Sta, ne tristia acerbius
 Ferat vulnera : nam tuo
 Totus pendet ab ore :
 Nec illi magis aspera
 Cutem vulnera sauciant,
 Quàm Matris lacrymæ gravi
 Cor dolore cruentant.
 Nec longus fuerit tibi,
 Nec longus Puero dolor,
 Ancifus placidè tuis
 Mox pendeat ab ulnis.
 En ut delicias tibi,
 En ut blanditias facit,
 Et turgentia lactea
 Premens ubera dextrâ;
 Nunc post basia, mollibus
 Per ludum digitis terit,
 Nunc dulces sitiens sacri,
 Ducit nectaris haustus.
 Sed iam purpureo sinu
 Dium compositus caput,
 Blandum concipit ebrius
 Puro lacte saporem.

Tacete obstreperi mala
 Vatis carmina, parcite
 Infanti liquidum rudi
 Sono rumpere somnum.
 Quid malum, rapidis strepit
 Vicinum nemus effedis?
 Carrucæque gementibus
 Miscent murmura canthis?
 Ephratam venit incitis
 Delphinæ borbonides equis,
 Ut nato tua cernuus
 Pendat munera Christo.
 Aude Mater, amabiles
 Manu molliter excita
 Cunas, & puero levem
 Frange voce soporem.
 Vides, ut vigil aureos,
 Votum Principis, aspicit
 Delphinos placidè Puer,
 Et flabella pyropis
 Liliata frequentibus,
 Manu tangere gestiens?
 Vides, ut facili sacras
 Voces audijt aure?
 Delphinóque tenellulas,
 In caput posuit manus;
 Et risit pia Regiæ
 Figens oscula fronti?



LES
DAVFIN S
DV LATIN
DV P. VITAL
THERON.

Par le commandement
du ROY.



*N quel lieu du monde humide
Nymphes des eaux voulez-vous ,
Que ie vous suive timide ,
Par les flots pleins de courroux ?
Et sur leur dos infidele ,
Que i aille un rocher trouvant ,
Blanchy d'escume eternelle ,
Où ie devienne sçavant ?*

Ff 2

Adieu donc troupe importune,
 Musés, jadis mon bon-heur,
 Des hostesses de Neptune
 Je reçois bien plus d'honneur :
 Vos couronnes inutiles
 Desia pour moy transformans,
 Et vos lauriers infertiles
 En perles, & Diamans.

Le voy desia, que l'on bride
 Pour moy des chevaux aislez,
 Qui de la plaine liquide
 Traversent les flos salez :
 De leur dos ie voy l'aresté,
 Dessus l'onde paroissant ;
 Je voy leur camuse teste,
 Pour m'escouter se haussant.

Dieu vous gard troupe legere,
 Daufins des eaux adorez,
 Troupe d'amour messagere,
 Qui dans vos palais dorez,
 Regnez sous la mer profonde,
 Venez, prestez vostre dos,
 Et promenez dessus l'onde
 Celuy qui dit vostre los.

Vous avez aussi coustume
 D'aymer les sçavantes Sœurs,
 En la marine amertume
 Vous chérissiez leurs douceurs ;

Arion en sert de preuve
 Sauvé des avarés mains,
 Qu'en vous plus d'amour se treuve
 Que dans les cœurs des humains.
 Tu t'en allois en ton Isle,
 Arion, content du bien
 Acquis par ta main subtile
 Au rivage Italien:
 Et sans prévoir les desastres,
 Dans ton vaisseau glorieux,
 Sans plus la mer & les astres
 Apparoissoient à tes yeux:
 Quand les Mariniers barbares,
 Ça & là t'environnant
 De tes richesses avarés,
 Vont de la mort t'estonnant.
 O Dieux de l'humide Empire,
 Et vous autres Deitez,
 Qui avez soin de la lyre,
 Destournez ces cruautez.
 Qu'eust-il faict le miserable,
 D'effroy tout passé & transy,
 De la troupe inexorable
 N'attendant point de mercy?
 Non dit-il; non ie n'évite
 Nochers vos mortelles lois,
 Mais que du Lut que ie quitte
 Je joue encore une fois.

Alors il prend sa couronne ,
 Faite d'un fucillage saint,
 Il prend son Lut qui resonance,
 Joint à sa voix qui se plaint,
 Au Cygne mourant semblable,
 Qui sur les rivages cois,
 D'une gorge pitoyable
 Pousse la vie & la vois.
 La mer de pitié contrainte,
 Et les vents & les rochers,
 Tout s'esmeut à sa complainte,
 Fors les parjures Nochers :
 Leur troupe qui se courrouce,
 (Que le Lut n'a peu charmer,)
 D'une main profane, pousse
 Et Chantre, & Lut dans la mer.
 Las ! ô bande secourable ,
 Venez prester viftement ,
 A ce Vieillard venerable
 Vostre piteux Element.
 Voila qu'un Daufin sousleue
 Le Chantre desesperé ,
 Le portant insqu'à la greue,
 D'un poids si doux honoré.
 O Troupe sainte & piteuse
 Envers nostre humanité,
 En la fortune douteuse
 Paroist vostre pitié.

Des vents vous prevoyez l'ire,
 Apprenant aux matelots,
 Qu'il faut armer la navire
 Contre la fureur des flois.
 Car si tost que la tempeste
 Emeut les ondeux sillons,
 Et comme en hyver apreste
 Mille venteux tourbillons;
 Vos bandes aventureuses,
 Sautant par dessus les mats,
 Parmi les eaux dangereuses
 Exercent mille combats.
 Les Mariniers aussi craignent
 De vous faire quelque mal;
 Si l'un de vous ils atteignent,
 Sauvont le saint animal,
 Qui dans leurs rets se rencontre,
 Ils ne l'osent pas toucher,
 Estimant un mal-encontre,
 Seulement de l'approcher.
 Que les cruels qui vous mangent
 Ne quittent jamais le port;
 Car les autres Dauphins vengent
 De leurs compagnons la mort;
 Hazardeux, qui les coupables
 Entre mille trouveront,
 Et leurs vaisseaux detestables
 Deffous l'onde abismeront.

Mais qui seront les perfides,
 Qui souillans au sein des eaux,
 Oferont des Nereïdes
 Toucher les sacrez troupeaux ?
 Et faire aux Dausfins la guerre,
 Qui ont plus parfaitement
 Que les bestes de la terre,
 D'usage & de jugement ?
 Si de la nasse ils eschapent,
 Jamais les pescheurs plus fins
 En leurs filets ne r'atrapent
 Deux fois les mesmes Dausfins.
 Seulement amour les pique,
 Dont l'on faict mille discours,
 Et du rivage Lybique,
 Et de leurs Grecques amours.

A V temps que la Canicule,
 Et la Vierge aux yeux ardans,
 Vont sur la plaine qui brusle,
 A plomb leurs rayons dardans,
 D'entre les forests espesses
 On vit un jour arriver
 Vn Enfant aux blondes tresses
 Sur le bord pour se laver.
 Desia sa robbe il despoüille,
 S'estimant estre seules,
 Et dedans l'eau claire mouille
 Ses pieds aussi blancs que lait :

Il mouille desja sa hanche,
 Puis tout à plat se jettant,
 Sa main delicate & blanche
 Coupe le marbre flottant.

Un Daufin void d'aventure,
 Nageant aupres de ces bords,
 Ce chef-d'œuvre de nature,
 La nege de ce beau corps;
 Il voit de son front la gloire,
 Où mille graces estoient;
 Il voit sa gorge d'yvoire,
 Où mille amours s'ébatoient.
 Il brusle tout, & s'approche,
 Rien ne le peut retenir;
 Il veut de sa teste croche
 Le menton luy soustenir.
 A l'abord l'enfant volage
 De la beste s'estonnant,
 Tout craintif, vers le rivage
 Alloit desja retournant.

Où vas-tu petit folastre?
 Vn monstre ne te suit pas,
 C'est un Amant idolatre,
 Dont tu ne fais point de cas;
 Aux Dieux marins estimable,
 Qui le daignent advoüer;
 Viens donc sur la beste aimable,
 Parmi les eaux te jouer.

Voyez l'enfant dessus elle ,
 Sans peur la tempeste ouïr ,
 Voyez la beste fidele ,
 D'un pois si doux s'esjouïr.
 Mais mignon tu ne presage,
 Qu'une areste en te blessant ,
 Va les beaux jours de ton âge ,
 Et tes amours finissant.

O loy du destin trop dure !
 Au moins Daufin mal-heureux,
 Conduis à la sepulture
 Le corps de ton amoureux.
 A la mer autour sanglante,
 Il connaît affeurement ,
 Et à sa charge tremblante,
 La mort de son bel Amant.
 Helas ! sa douleur extreme

Trouve si peu de compas.
 Qu'il veut vanger sur soy-même ,
 De son amyle trépas.
 A la rive accoutumée
 Comme un trait il s'est lancé ,
 Posant la dépouille aimée ,
 Du beau mignon trespassé.
 Exemple d'une foy rare ,
 Au tombeau de sa moitié ,
 A la mort il se prepare ,
 Victime de l'amitié.

Depuis Amour la fleur porte,
 Et le Daufin, se vantant
 Par ces deux, que sa main forte
 La terre, & l'eau va domptant.
 Daufins du cault Laërtide,
 L'escu vous alliez, chargeant,
 Et pour sa devise Alcide
 N'eust rien qu'un Daufin d'argent.
 De vous la Grece sçavante
 Feit de jeux à vostre nom,
 Pour avoir sauvé Phalante,
 Thelemaq & Palemon.
 Vitel, Auguste, & Tybere,
 Dont les noms furent si crains,
 En leur monnoye ordinaire
 Les Daufins avoient empraints.
 Je ne passe sous silence
 Toy qui cher les achetois,
 Et d'une rare clemence,
 Dans la mer les rejettois.
 De ton amitié si sainte
 Le souvenir ne mourra,
 Au besoin près de Zacinthe
 Leur troupe te secourra:
 Et à ton heure dernière
 Les Daufins i'assisteront,
 Qui dolents près de ta biere
 De l'eau dessus jetteront.

Mais qu'entends-je, ô troupe chere,
 Quels obseques puis-je voir ?
 Sont Daufins, qui à leur Pere
 Rendent le dernier devoir :
 Portans le mort regrettable
 D'une piteuse façon.
 Passant jette un peu de sable
 Sur le corps de ce Poisson.
 Prends les deux dents de sa bouche,
 Et quand les enfans criront,
 Si le mal des dents les touche,
 Celles-cy les gueriront :
 Prends le cuir & le conserve,
 Fais-le coudre en des ballons,
 Sur la mer tu rendras serve
 L'halaine des Aquilons.
 Tais-toy babillarde Muse,
 J'oy le Daufin sommeiller ;
 Garde que ta voix confuse
 Ne le face reveïller :
 De ses ronflantes narines
 Vn bruit au large faisant,
 Il dort par les eaux marines,
 Sans repos se reposant.

Car une sale paresse
 Ne le sçauroit retenir,
 Dez que le sommeil le presse,
 On le voit sur l'eau venir ;

De là, languissant il coule
 Au fonds, & dort cependant :
 Puis il remonte, & se roule,
 Ne dormant qu'en descendant.
 Aussi qu'aucun ne s'amuse,
 Ny à son œil enfoncé,
 Ny à sa teste cameuse,
 Ny à son dos herissé
 Qu'une couleur perse émaille:
 Il faut croire fermement,
 Qu'il cache deffous l'écaille
 D'un homme l'entendement.
 Bacchus faisant un voyage,
 Sur la mer Thyrrenne estoit ;
 Et pour payer le Naulage,
 Aux Nochers des vers chantoit :
 Il leur ventoit le merite,
 Les yeux, la grace & le teint,
 Et la rigueur d'Amphitrite,
 Et Neptune au cœur atteint.
 Et comme aux humides places
 Neptune amoureux cherchoit,
 Et dans les cavernes basses
 La belle qui se cachoit :
 Les Daufins la rencontrèrent,
 Que sa fuite n'abusa
 Car sur l'heure ils la monstrent
 A l'Amant qui l'espousa.

Bacchus avec sa parole

Met les Nochers en erreur,

Et l'erreur qui les affole

Les fait entrer en fureur :

Sans que la peur les estonne

Dans l'onde ils se sont jettez.

Pere ne les abandonne

Parmy les flots agitez,

Le Dieu qui siens les advoüe,

En Daufins les convertit;

Leur dos, leur teste, & leur joüe

D'écaille verte il vestit :

Leur met aux costez des aïsses,

Dont ils cherchent inconstans

De leur barque des nouvelles,

Tous les Vaisseaux acostans.

Quand une voix ils entendent,

Touchez du son ravisseur,

Auprès des nefs ils se rendent,

Suivans des chants la douceur.

Ie voy qu'ils prestent l'oreille,

Venus en troupeaus divers,

Pour écouter la merveille,

Qui sort de l'air de mes vers.

Mais ie ne puis recognoistre,

Ce Daufin bien fortuné,

Que sur tous ie voy paroistre,

De grands lis d'or couronné.

Ha ie voy par les auspices
 De ces lis, sacrez, au Rois,
 Que les Dieux veillent propices
 Dessus l'Empire François.

Ainsi des Dieux la sageſſe
 Fit naiſtre un Daufin nôtre au,
 De la Toſcane Deeſſe,
 Aux lieux ſurnommez d'une eau.
 Les ſorts au cœur inſenſible
 N'oſent plus eſtre que bons,
 Croiſſant la race invincible
 Des magnanimes Bourbons.

Dieu vous-gard le Fils Auguſte
 D'un Roy le plus triumpuant,
 Le plus vaillant, le plus juſte,
 Que Phœbus aille échauffant.
 En voſtre enfance première,
 Deſſus les eaux commandant
 Daufin voſtre main guerrière
 Tiendra des mers le Tridant.

Vous rendrez la mer trempée
 Au ſang de l'Anglois leger;
 S'il irrite voſtre eſpée:
 Où vous irez ſaccager
 L'orgueil du Soldat Ibere:
 Ainſi voit-on chez Thetis
 Le Daufin brave en cholere,
 S'émouvoir pour ſes petits.

Sous vos loix ie voy rangée
 L'audace des Ottomans ;
 Je voy les bords de l'Egée
 Blanchir de leurs offemens :
 Ainsi l'indompté courage
 Du Daufin paroist au jour ,
 Qui de meurtre & de carnage
 Souille les flots d'alentour.

Vous conduirez vos armées ,
 Tantost sur les bords du Nil ,
 Aux campagnes Idumées ,
 Dans les Isles du Bresil ,
 Au Parthe, au More, & au Perse :
 Ainsi coupe en un moment
 Le Daufin la vague perse,
 D'un eternel mouvement.

Puis Vieillard en un temps calme ,
 Vos peuples vous regirez ;
 Et sans soucy d'autre palme
 De la paix vous jouirez :
 Ainsi l'amour vehemente
 Le Daufin tellement point,
 Que parmy l'onde escumante
 Ses fils il n'éloigne point.

Et quand vos fatales armes
 Vous donneront du loisir ,
 Des vers & du luy les charmes
 Seront tous vostre plaisir :

Ainsi

Ainsi la voix delectable
 Si bien le Daufin deçoit,
 Qu'aux Rosignols accostable
 Sur son dos il les reçoit.
 Mille fois ie vous saluë
 Daufins des eaux habitans ;
 Vostre bande bien vouluë
 De ce Grand, vive long-temps :
 Et Vous Grand Daufin encore
 Je vous saluë à genoux ;
 Faites que le Peuple honore
 Ces Daufins qui sont à vous.
 Puis quand le destin prospere
 Vous donnera le bon-heur ,
 D'estre appellé du saint Pere
 A l'Imperial honneur ,
 Dit Auguste entre les Princes ,
 Metez les Aigles à bas ,
 Portant aux serves Provinces.
 Les Daufins en vos combats.

MOTIN.

FIN.

